

人集

六十一卷

集賢院

詹事府

樞密院

御史臺

御史大夫

中丞

侍御史

殿中侍御史監察御史

通政司

諫院

登聞

檢院鼓院

中書科總卿

大理寺

太常寺

光祿

寺宣徽院

客省使  
閣門使

鴻臚寺

太僕寺

苑馬寺

符

寶寺

宗正院

國子監祭酒

司業

博士

行人司

京尹

留守司

司隸校尉

司天臺

司農卿

太府監

少

府監

軍器監

都水監

大醫院

兵馬司

錦衣衛

僧

綱司

道錄司

王府官

事言要玄卷之六

集賢院

類聚唐開元十三年召學士張說等宴於集仙殿於是改殿爲集賢殿改麗正脩書院爲集賢殿書院五品以上爲學士六品以下爲直學士元年四年復置集賢校理宋太平興國二年始建崇文院昭文館集賢院皆總爲崇文院

六帖唐藏書之地有昭文崇文之館有集賢書院有脩文弘文昭文以至蓬萊書殿曰乾元脩書院曰秘書內外省曰內庫曰三館曰秘書秘府曰蘭臺麟室

開元中賜錢一千貫文以充食本時院內供擬稍厚中書舍人陸堅亦充翰林供奉每日入院堅以學士或非其人而所司祇

供優厚將爲糜費將建議請一切罷之燕公明之曰自古帝王  
功成理定則有奢縱之戒豈如今日聖上崇儒重道親自講諷  
刊校圖書詳延學者今日麗正卽是聖主禮樂之司永代模楷  
不易之道也所費者小所益者大陸子之言未爲達也

張說等因獻賦詩上各賜贊以美之 張說德重和鼎功踰濟

川詞林秀逸翰苑光輝 徐堅校文天祿論經上庠章詞宛麗

雄辨抑揚 賀知章禮樂之司文章之苑學優藝博才思高遠

趙冬曦白簡端嚴青史良直清詞雅韻博覽強識 康子元

才識清遠言談幽秘四科文學六書仁義 侯行果洪鍾佇叩

明鏡不疲蒐彖係象動中威儀 韋述職參山甫業纂玄成六

藝述作四始飛英 敬會真名乃會真迹惟契道樞衣講習臨

筵根藻 趙玄默才比丘明學兼儒墨敘述微婉講論道德

東方穎地遊天祿門嗣滑稽三冬足用六藝斯齊 李子釗干

木流度指樹貽芳諷諫遺闕啓發篇章 呂向族茂飛熊才方

班馬考理篇籍抑揚風雅 母奐軒轅之任諫諍之職聞詩聞

禮有才有識 陸去泰才光於晉價重於張州縣斯屈文翰尤

長 威廩業郁郁高文英英博識持我刑憲是稱諒直 余欽

文章兩贍才術兼美思在窮經專學舊史 孫李良蓬山之秀

芸閣之英雄詞卓傑雅思縱橫 時又頻賜酒饌學士等讌

飲爲樂前後賦詩奏上凡數百首時院內既有宰相及侍講屢

承恩渥賜以甘瓜綠李及四方珍異燕公書曰東壁圖書府西

垣翰墨林誦詩聞國政講易見天心當時詞人稱羨

貞觀中集賢學士甚衆會詔問神策軍建立之由相府討求不知所出諸學士悉不能對乃訪於蔣乂乂徵引根源甚詳悉宰臣高郢鄭珣相顧曰集賢有人矣翌日詔兼判集賢院事乂祖瓌開元中弘文館學士乂將明集賢殿學士父子代爲學士儒者榮之

常衮詩穆穆上清居沉沉中秘書金鎖深內殿石甃淨寒渠花樹臺斜倚宮烟閣半虛縹囊披錦繡翠軸捲瓊瑤墨潤水文象香銷蠹子魚舊德雙遊處聯芳十載餘北朝榮庾薛西漢盛嚴徐侍講親華宸微吟步綺躑綴簾金翡翠賜硯玉蟾蜍

類聚後漢有東觀魏有崇文館宋有玄史二館南齊有總明館梁有士林館北齊有文林館後周有崇文館皆著撰文史鳩聚學徒之所也唐武德初置修史館九年改爲弘文館貞觀元年詔京官職事五品以上子嗜書者二十四人隸館習書出禁中書法以授之其後又置講經博士儀鳳中置詳正學士神龍改昭文館宋建隆初復改爲昭文館初以昭文館隸于門下省後以昭文史館集賢謂之三館皆以宰相兼領大學士大元昭文館亦置大學士

考索周官師氏掌以媿詔王保氏掌諫王惡漢宣帝甘露三年詔諸儒講論五經於石渠閣光武數引公卿郎將講論經理章帝建初四年會諸儒于白虎觀講五經同異唐太宗置弘文館命孔穎達講五經正義宋太祖召王昭素對便殿令講易乾卦真宗幸國子監孫奭講尚書仁宗天聖元年上始御崇政殿召

翰林侍講孫奭馮元講論語詔雙日至是隻日亦詔侍講讀六年又命孫奭講尚書景祐元年以賈昌朝趙希言王宗道揚安國並為崇正殿說書日以二人入侍講院崇政說書自此始

講讀官初未有制太宗始命呂文仲為侍講繼而加翰林學士侍讀真宗時乃特置翰林侍讀學士班次翰林學士舊講讀官每見先賜坐暫起講復坐仁宗富於春秋乃令儒臣並就御案遂故為事王安石以為道之所存禮亦加重請復賜坐不行程願為侍講請坐不從元祐間蘇頌為侍講讀慶曆故事詔講讀官遇不講日各進漢故實二事宋之制有七日

殿學士曰閣學士曰雜學士曰待制曰殿撰曰修撰曰直殿閣殿學資望極峻無吏守無典掌惟出入侍從備顧問非宰相不除併以寵輔臣之去位者閣學士所以屬行義文學之士高以備顧問其次與議論典校讎得之為難選擇尤謹元祐二年詔增復館職及職事官並許帶職尚書二年加直學士中丞侍

給舍諫議通及一年加待制

詹事府

類聚詹事秦官應邵曰詹省也給也秩二千石漢因之掌太子家位在長秋上竇嬰太后兄子景帝即位為詹事後漢省詹事

太子官屬悉屬少傅魏復置詹事領東宮眾務唐置詹事府詹事一人正三品少詹事一人正四品上龍朔改端尹少尹垂拱

改宮尹宋東宮官有詹事仁宗升儲置詹事二人大元置太子詹事從三品少詹事正四品

左右庶子古者天子有庶子之官職庶子猶諸子周禮秦置中庶子員漢庶子為太子太傅屬

官魏晉太子詹事有中庶子各四人局擬散騎侍郎品第五掌

禁令糾正違闕侍從左右儼相威儀盡規獻納奏事文書皆典

五音廿四

四

集卷六

綜之釋奠中庶子扶左庶子扶右 唐龍朔中置左右諭德各一人掌侍從贊諭職擬常侍掌諭皇太子以道德隨事諷贊宋東宮官有左右諭德建儲則置否則闕元置左右諭德掌諭道德侍從文章之文東宮之務歷代以中庶子典書坊置右庶子唐龍朔中改門下坊曰左春坊左庶子中允司議郎左諭德左贊善大夫崇文館學士校書郎洗馬文學校書正字等隸焉典書坊曰右春坊右庶子中舍人太子舍人右諭德右贊善大夫太子通事舍人家令率更令等隸焉 衛率秦官屬詹事後漢主門衛徼循衛士而屬少傅晉武帝建東宮置衛率凡太子出在前黃麾外左右二率從挾導輿車後衛率從在鳥皮外並帶戟執刀其服並視左右衛將軍唐左右衛率府率各一人副率各一人宋太子諸率府率從七品元置太子左

右衛率府率掌同衛導從儀仗事

僕秦官漢世太子五馬一

朝非入朝日遣僕及中允旦入請問起居後漢太子僕一人千石主車馬職如太僕晉詹事屬官有太子僕品第五主輿馬兼主親族如太僕宗正唐龍朔改僕寺為馭僕寺改僕為大夫元置太子僕正 唐置左右贊善大夫正五品上掌傳令諷過失贊禮儀以經教授諸郡王龍朔二年改太子中允為之宋元仍之 齊太子有內直梁有內主元置太子侍正 漢詹事屬官有食官令長丞晉食官令職如大官令隋改為典膳正 晉太子詹事屬官有洗馬八人掌皇太子圖籍經書職如謁者局準秘書品第七班同舍人下隋門下坊司經局置四人從五品下元有太子司經副司經 家令屬詹事漢太子食湯沐邑十

縣家令主之後漢太子少傅屬官有家令秩千石主食庫飲食  
職比廷尉晉家令品第五隋煬帝改家令為司府令唐改為家  
令寺龍朔二年改家令寺為宮府大夫元置太子家令掌司禮  
儀法等 漢太子少傅屬官有太子倉令隋典丞二人元置太  
子司倉 梁庶子屬官有錫賜庫局北齊家令寺領司藏署令  
丞 國朝置詹事府詹事正三品 少詹正四品 府丞正六品 主簿從七品  
錄事從九品 左右春坊正五品 左右庶子正五品 左右諭德從五品 左右  
中允正六品 司經局洗馬從五品 左右贊善左右司直郎俱從六品 左右  
司紀郎從八品 校書左右司諫正字通事舍人俱從九品 官職焉  
漢書孔霸宣帝時以經授太子為詹事實嬰景帝初為詹事弟梁孝王帝酒酣曰千秋萬歲後傳王嬰引酒進上曰父子相傳漢之約也

晉書武帝以王恭為丹陽尹領太子詹事恭讓表曰今日王儲

始建四方是式總司之任崇替所由宜妙選賢材盡一時之勝

沈約碑儲端任顯東西兩晉茲選特難彈違是屬宜肅事於東朝

謝琰字瑗度安少子也左僕射領詹事太唐詔令李寬冊弼諧

儲副必俟才英總務宮端允資忠蓋漢朝選德禮儀峻於寶卿

晉代任賢光榮歸於謝琰

卜壺為世子師前後居師保之任盡匡輔之節一府貴而憚焉

中興遷太子詹事世稱卜壺裁斷切直敷實忠於事上也王琰答徐

邈書詹事彈肅一官如尚書令中丞

陸曄字士光少有雅望從兄機每稱之曰我家世不乏公矣太

興元年遷太子詹事以清貞著稱

南史宋殷景仁不爲文而敏有思致不談義而深達理至於國典朝章舊章記注莫不撰錄識者知其有當世之志也宋少帝時與王華王曇首劉湛四人並爲侍中以風力局幹冠冕一時遷尚書僕射太子詹事

齊孔稚圭表皇太子霞褰青殿日晃春宮駕紫谷之英振洛笙之響非自器上白雲韻同明月何以延芳芝苑插羽瓊條竇嬰戚貴於西京陸曄風素於東國伊人之美方曰可舉

陳書後主在東京欲以江總爲詹事孔奐曰江總有潘陸之才而無園綺之實輔弼儲貳切謂非宜

唐書李綱爲太子詹事太子嘗遊有進魚者太子使膾之唐儉趙元鼎自言其能太子曰操刀膾腥和鼎味公等善之若弼諧

審喻則屬綱矣

高宗爲皇太子轉李勣爲太子詹事太宗謂曰我兒新登儲貳卿舊長史今以宮事相委故有此授雖屈階資可勿怪也

張說女嫁盧氏嘗爲舅盧公求官候父下朝而問焉父不語但指稽床龜而示之女歸告其夫曰舅得詹事矣

周必大辭詹事奏狀竊惟儲端華重今昔所同漢韋賢質樸篤學始膺委任唐李勣至於舊長史屈階資而爲之近歲以來非老成端諒爲世所推則必於近臣中擇嘗任王府講讀及宮僚者就無是職苟或異此寧虛厥官

環濟要畧庶子主宮中并諸吏之適子及支庶在版籍者也行其秩序作其徒役授八次八舍之職以徵候



山公啓事中庶子缺宜得俊茂者以濟陰太守留儼陽城太守

石崇參選不審可有合聖意者不

陳書王瑒父冲嘗為瑒辭領中庶子世宗顧謂冲曰所以久留瑒於承華正欲使太子微有瑒風法耳

舊唐書薛元超永隆二年拜中書令兼太子左庶子高宗幸東都太子於京師監國因留元超以侍太子帝臨行謂元超曰朕之留卿如去一臂但吾子未閑庶務關西之事悉以委卿所寄既深不得默爾

六典左右俞德掌諭太子以道德也皇太子朝宮臣則列侍於左右階出入則騎從於正道之左右其內外庶政有可為規諷者隨事而贊諭焉

唐書常承慶字延休弱冠舉進士辭藻之美擅于一時累遷太子司議郎太子賢監國不近聲色承慶上書諫曰殿下岳峙淵

渟金貞玉裕百僚仰重曜之暉萬姓聞滂雷之響居處服玩必循節儉畋獵遊娛不為縱逞則可以克享終吉長保利貞又常為諭善箴以獻太子太子賜予甚厚

德宗拜崔芊為諭德芊對東官曰臣不識朝廷典故見殿下合稱臣否東官曰卿是東寮自合知也

言行錄宋朝仁宗在東宮魯質肅公宗道為諭德一日真宗召使者及門而公不在移時乃在肆中飲歸中使遽先入白乃與

公約曰上若怪公來遲當託何事公曰但以實告中使曰然則得罪公曰飲酒人之常情欺君臣子之大罪中使嗟嘆而去真宗果問使者具如公對自此奇公以為忠實可大用

通典隋有內允貞觀初曰中允掌侍從贊相駁正啓奏總司經皇太子出則版奏外辨中嚴入則解嚴龍朔元年改門下坊曰左春坊中允曰左贊善大夫唐以王珪孔穎達杜淹陸德明王維為中允

漢書汲黯字長孺孝景時為太子洗馬黯姊子司馬安亦少與黯為太子洗馬安文深巧善宦四至九卿職官出則在馬前清道故曰洗馬

襄陽者舊傳李密晉武徵為太子洗馬詔累下郡縣逼遣密上數疏武帝覽其表曰密不空有名嘉其誠款賜奴婢二人郡縣

供其祖母俸贍後劉終復以洗馬徵

晉書解系字少連次弟結字仲連次弟育字稚連各清身潔已仕皆為洗馬州里榮焉

南史裴松之字世期宋武帝北伐領司州刺史既剋洛陽松之居州行事宋國初建毛德祖使洛陽武帝敕之曰裴松之廊廟

之才不宜久居邊務今召為太子洗馬與殷景仁同可令知之梁庾於陵字子介天監中為太子洗馬舊事東宮官屬通為清

選洗馬掌文翰尤其清者近世用人皆取甲族有才望時於陵與周捨竝擢充職高祖曰官以人而清豈限以甲族時論以為

美

舊唐書李綱字文紀開皇末為太子洗馬皇太子勇嘗以歲首

宴宮臣左庶子唐令則自請奏琵琶又歌武媚娘之曲綱白男  
曰令則身任宮僚職當調護乃於宴坐自比倡優進淫聲穢視  
聽事若上聞令則罪大不測豈不累於殿下臣請舉正其罪  
通典唐司經局洗馬掌經籍出入侍從圖書上東宮者受藏之  
龍朔二年改洗馬爲司經大夫三年改司經局爲桂坊以洗馬  
爲桂坊大夫糾正違失

六典左右贊善大夫龍朔二年初置左贊善大夫替中允右贊  
善大夫替中舍人咸寧元年中允復舊而贊善大夫別自爲官  
皆掌侍從翊贊太子以規諷也皇太子出入動靜苟非其德義  
則必陳古以箴焉

舊唐書歸崇啟字正禮少勤學以經業擢第天寶末對策高第  
授左拾遺改秘書郎遷起居郎贊善大夫

宋書徐陵父攜爲左衛率又袁淑爲太子左衛率謝莊爲太子  
中庶子時南平王獻赤鸚鵡普詔羣臣爲賦淑文冠當時作賦  
畢示莊及見莊賦歎曰江東無我卿當獨秀我若無卿亦一時  
之傑遽隱其賦

唐李大亮拜左衛大將軍十七年晉王爲皇太子東宮寮屬皆  
盛選室臣以大亮兼太子右衛率俄兼工部尚書身居三職宿  
衛兩宮甚爲親信大亮每當直必通宵假寐太宗勞之曰當公  
宿直我便安卧

漢書張晏注曰太子稱家故曰令家令之職掌皇太子之膳倉  
儲庫藏之政令總食官典倉司藏三署之官屬凡皇太子備禮

出入則乘輅車具威儀先儲臣以導引若祭祀賓客則供酒食以爲獻主

晁錯上書言人主所以尊顯功名揚於萬世之後者以知術數也皇太子材知高竒然於術數未有所守上於是拜錯爲太子家令以辨得幸太子太子家號曰知囊

齊書文惠入居東宮沈約爲步兵校尉管書記時宮中多士約特被親遇每旦入見影斜方出尋遷太子家令約嘗侍宴梁武帝有妓婢師是齊文惠太子宮人帝問識座中客否曰唯沈家令約伏地流涕

梁書徐擒屬文好爲新變不拘舊體爲皇太子家令兼管書記文體既別春坊盡學宮體之號自斯而起

考索唐太宗爲晉王府有侍講及爲太子亦置馬其後或置或否開元初十王宅引學士入教亦爲侍讀至宋始置二官

天禧四年叅政任中正樞副錢惟演叅政王曾並兼太子賓客執政兼東宮官自此始 國朝有太子賓客亦以部院辭臣兼馬

漢書武帝戾太子初上爲立博望苑使通賓客從其所好故賓客多以異端進

宋書至道元年尚書左丞李至禮部侍郎李沆並兼太子賓客見皇太子如師傅之禮上召謂至等曰朕以太子仁孝賢明今立爲儲貳當須正人輔之卿等可盡心調護若動皆用禮必須贊成如事稍有未當不可隨順至於禮樂詩書之道可以裨益

太子者皆卿等素習不假朕多訓也

### 樞密院

類聚唐代宗永泰中置內樞密事始以宦者為之初不置司局但有屋三楹貯文書而已其職掌惟承受表奏於內中進呈若人主有所處分則宣付中書門下施行而已永泰中宦官董廷秀參掌樞密事長慶中王守澄知樞密事舊左右軍容多人為樞密亦無視事之廳後僖昭時楊復恭西門季玄欲奪宰相權乃於堂狀後帖黃指揮公事此其始也後梁革唐世宦官之弊開平元年改樞密為崇政院唐莊宗同光元年復以崇政院為樞密院周亦有之宋初魏仁溥以宰相兼樞密使建隆三年以樞密副使兵部侍郎趙普為檢校太保充樞密使不帶正官自

普始也又以宣徽北院使李處耘為南院使兼樞密副使開寶九年以曹彬為樞密使領忠武軍節度使樞使帶節度自此始也太平興國六年以樞密副使石熙載為戶部尚書充樞密使以文資正官充使自此始也大中祥符五年以知樞密院王欽若陳堯叟同中書門下平章事充樞密使儒臣為樞使兼使相自此始也元豐改官制議者欲廢樞密院歸兵部神宗曰祖宗不以兵柄歸有司故專命官統之互相維制不從元置樞密院掌凡武備機密之事有樞密使同知又有副使

梁崇政院置副使一人自五代

以來皆參用文武大中祥符以王嗣宗曹利

用並為檢校太保充樞密院副使不帶正官

齊賢王沔並以右諫議大夫簽書樞密院事天禧四年以華州觀察使曹瑋宣徽北院使鎮國軍留後簽書樞密院事簽書兼番鎮自此始元豐官制行使副簽書悉罷

官經歷都事

都事舊無其官宋樞密院有都承旨似其職也自太平興國以楊守一充都承旨是其始真宗後稍用

吏人熙寧吏用士人以尚書郎集賢校理曾孝寬為起居舍人充史館修撰兼都承旨崇寧以後則用專武臣矣

照磨

管勾等職在外又置行樞密院自副使以下諸職皆同

王世貞曰大都督府因樞密院而改建之者也樞密院之職實

古太尉大司馬諸將軍而其名則循唐宦官之舊五季托肺腑

其權據宰相上宋顓兵政稍與宰相次而號兩府然皆搢紳大

夫為之至元而用其國人與漢人之以武功顯者第往往參互

一二搢紳以贊其摹畫至明興而截然武弁藪矣高帝之下

集慶置中書省即置行樞密院而自領之吳元年甲申正月即

王位定大都督從一品左右都督正二品同知從二品副使正

三品僉事從三品尋大都督文正坐罪廢罷不設以左右都督

為長官十月進階俱正一品同知從一品副使從二品僉事從

三品二年革副使陞僉事正二品凡天下將士兵馬大數蔭授

遷除與征討進止機宜皆屬之十三年分大都督為五軍都督

府見若以為品秩如其故者而兵部陰移之其權漸分矣至永

樂而盡歸之兵部所謂五都督者不過守空名與虛數而已其

左右都督以下至同知皆以加邊將之有功者其僉事以待序

遷者而掌印僉書之類必以屬公侯伯間有屬老將之實為都

督者不能什一也其屬五斷事司下各設稽仁稽義稽禮稽智

稽信今俱革而其職為經歷

從五品都事正七品馬

通鑑唐僖宗乾符六年以李順融為樞密使降白麻於閣門出

案與將相同

後唐樞密使凡東西院二員宋朝亦東西院但行院印

五代史梁之崇政使乃唐樞密之職蓋出入之任也至梁始用士人其備顧問參謀議于中則有之未始專行事於外也至崇韜重誨為之始復唐樞密之名然權侷宰相矣後世因之遂分為二文事任宰相武事任樞密

翰林續志舊例樞密使未帶使相省不宣麻至周太祖初潛歷試是任乃宣制於公朝今之宣麻自周太祖始

家塾記神宗改官制大事三省共密院同議進呈畫旨稱三省

樞密院同奉旨三省官皆同簽付樞密院行之小事獨取旨行

訖關三省每朝三省樞密院先同對樞密退待於殿廬三省始

留進呈三省事退樞密院再上進呈獨取旨遂為定制又常事密院自

行至涉邊則三省聚議謂聞南廳唐大中故事對延英郭崇諳兩中尉先降樞密使候旨殿西宰相奏事罪案前受事

安重誨為樞密使始分領政事不由中書直行下者謂之宣如

中書之敕小事則發頭子擬堂帖也至今樞密院用宣及頭子

會要樞密使宋朝首命趙韓王普時號稱二府禮遇無間每朝

奏事與中書先後上所言兩不相知祖宗亦賴此以開異同用

分宰相之權文彥博制導上帝之命象在北樞本天下之兵侷於台府王禹偁制宥密之府掌樞機於萬微王珪

制天極環樞上通帝位之紀神兵會府內嚴師律之謀

職官分紀國朝之制大宴樞密使副不坐侍立殿上既退就御

廚賜食與閣門引進四方館使列坐廡下親王一人伴食每春

秋賜衣門謝則與諸司使副班于庭中故朝中為之語曰廚中

賜食階下謝衣熙寧詔國家以西樞內輔翊贊本兵任為重矣王禹偁集自贊襄於衮職宜總領於星樞

玫瑰集王文定公召拜樞密使公在右府憂邊思職動中機會

江西賴文政柳冠陳峒李接之變淮陰劫寇等公應酬羽書號令賞罰明審平當上亦稱其毫釐不差

范鎮除富弼樞密使制兵布于天下而至衆故統之有本元謀出於堂上而無窮故資之於明哲是以基于靜密式暢遠猷始乎幾微能成大務若時付畀茲謂劇艱

汪藻代汪副樞辭免表竊惟樞院之司實次鈞衡之任唯時初載順信獲助於天人宣帝遠圖安危注意於將相倘以小人而大受孰宣元老之壯猷

王禹偁上王樞密詩西樞經緯才慷慨遇真主文學中甲科風雲參霸府直躬在密勿未始憂強禦

職源簽書大抵以處資淺之人若簽書一經親祠方進同知又樞副若武臣擢預國政只除同簽書

四朝志都承旨副承旨掌承宣密命通領院務若便殿侍立閱試禁衛兵校則隨事敷奏承所得旨以授有司

神宗正史都承旨從五品副承旨正六品

楊廷秀樞密官屬記此記爲都承旨作其間以事其事不事其事反覆爲言則今日建都事之職亦此意也中書樞密院曰二府國朝之制也亦因也樞密之屬曰都承旨副承旨曰檢詳曰編修在祖宗時都承旨則曾孝寬韓縝檢詳則王存劉安世編修則顧臨錢長卿皆其選也中興損益至今日蓋六十年矣而壁記未立今都承旨李公昌圖乃克爲之屬某記焉

御史臺



類聚御史之名周官有之戰國秦趙澠池之會各命書其事則皆記事之職至秦漢為糾察之任所居之署漢謂之御史臺亦

謂之蘭臺寺

宋魯肇記御史臺與尚書謁者並謂三臺大夫更

而無告者得與中書門

下省誥之謂之三司 梁及後魏北齊謂之南臺後周曰司憲

隋及唐皆曰御史臺武后改為肅政臺置左右左以察朝廷右

以澄郡邑龍朔後但為御史臺至德後諸道使府參佐皆以御

史為之謂之外臺宋沿唐制設御史臺大夫無定員止為無官

中丞除正員外或帶他官次有知襟御史一員副中丞天禧始

置言事御史唐太宗時有御史裏行之名景祐中始置以處御

史之官卑者唐儀臺案有六監司元豐三年李定請行六察於

是以御史專領六察

請以吏部及審官東西院二班院隸御史察

審刑院隸刑察兵部武學隸兵察禮祠部 其後以中丞為長知

太常寺隸禮察少府將作等隸工察從之 襟御史為侍御史言事官為殿中侍御史六察為監察御史元

御史臺掌糾察朝儀彈劾官邪勘詢官府公事凡內外刑獄所

屬理斷有不當陳訴者付臺治之登檢院隸焉

王世貞曰都察院古御史府也自周官御史掌贊善授法令秦

人因之自漢益重置大夫以貳丞相銀印青綬位上卿於萬機

無所不參攝每丞相闕則大夫以次選代成哀之際遂為大司

空與丞相大司馬俱封侯位三公金印紫綬後雖旋復旋改而

建武以還遂定與太尉司徒仍三公故鼎足承君矣當御史大

夫時有中丞二在內則掌蘭臺秘書受公卿奏事舉劾按章外

則督部刺史與丞相司直司隸校尉察舉非法自大司空設而

中丞廢歷晉宋南北朝以至北齊後周別設中丞主臺事而御史府自是稱臺矣後魏以至北齊改中丞為中尉最號雄峻若李彪崔暹之類糾按貴戚威行朝省瑯琊帝子之尊尚假赤捧之威以自張餘可推也隋始復置大夫罷中丞唐初亦因之有以其官為大司憲者以臺為肅政者而職任如故開元之際復為御史臺而大夫與中丞不並設其職俱以振綱紀察奸弊中丞秩雖卑于大夫而雄峻過之至有徑入相者宋初有中丞而無大夫其屬有侍御史監察裏行知襟之類大約三司使學士承旨以為班知諫院司諫正言以為表裏參知樞副丞郎僉院以階進監司牧守以待退至元而尤重其任設大夫從一品中丞正二品侍御史從二品治書侍御史正三品皆為長官當是

時札牙篤帝有恒言中書省樞密院吾左右手也御史臺治吾左右手病者也旨天明與其初制一循元舊當是時左右大夫湯和鄧愈數膺斧鉞寄外出而中丞劉基章濫理臺事後乃定設左右都御史正二品左右副都御史正三品左右僉都御史正四品職糾劾官邪申辨冤抑而所屬御史分為十三道御史巡按以至它公委出則奏請還則考績然御史獨不係都察院以示得相糾察之意其以左右都御史而下總督提督參贊巡撫各鎮者初自本院出曰公差事完或得代則回理院事其後不勝多則往往自部佐卿寺藩臬轉遷亦不復歸院

漢舊儀御史大夫秦官位上卿掌副丞相初學記御史大夫寺在司馬門內門無塾其門署用梓板不釁色題曰御史大夫寺

蔡質漢儀御史臺率執憲中司朝會獨坐內掌蘭臺督諸州刺

史糾察百寮

六典注初漢御史中丞掌蘭臺秘書圖籍故歷代置都邑建臺省以秘書與御史為鄰

通典漢御史大夫副丞相事若今之同平章及叅知機務之類

所以漢書曰薛貢常匡迭為宰相薛宣常賢匡衡則是丞相而

貢禹但為御史大夫

國史補御史故事大朝會則監察押班常參則殿中知班入閣

則侍御監奏含元殿最遠用八品宣政殿其次用七品紫震殿

最近用六品殿中得立五花磚綠衣用紫案縵之類號為七貴

唐臺儀臺印隨從印左巡印右巡印監倉印監庫印監察印出

使印謂之八印

楊楞伽鄴都故事御史臺在宮闕西南其門北開取冬殺之義

斯事久矣今東都臺門所以不北向者蓋欲變古之制或建造

者不習故事耳

舊制御史以鷲羽飾車以白鷲見泉中魚象御史察隱微之罪

會要宋朝在禁中唯三官得告宰相告于中書翰林學士告于

本院御史告于朝堂皆用朱衣吏謂之三告官

漢書趙堯傳周昌為御史大夫徙為趙相高祖持御史大夫印

弄之曰誰可以為御史大夫熟視趙堯曰無以易堯遂拜御史

大夫

倪寬為御史大夫初梁相褚大通五經為博士時寬為弟子及

御史大夫缺徵褚大以為御史大夫至洛陽聞寬為之褚大笑

及至與寬議封禪於上前大不能及退而服曰上誠知人

張湯為御史大夫鉏豪彊并兼之家舞文巧詆以輔法湯每朝

奏事語國家用日旰天子忘食丞相取克位

杜周刻深上以爲盡力無私遷爲御史大夫子延年字幼公五  
鳳中徵爲御史大夫居父官府不敢當舊位坐卧皆易其處  
魏相字弱翁宣帝卽位遷御史大夫故事諸上書皆爲二封署  
其一曰副領尚書者先發副封所言不善屏去不奏相復因許  
伯白去副封以防壅蔽

貢禹字少翁元帝時陳萬年卒禹代爲御史大夫列於三公自  
禹在位數言得失書數十上又言孝文皇帝時貴廉潔賤貪汙  
今天下奢侈官亂民貧盜賊竝起姦軌不勝則取勇猛能操切  
百姓者以寄暴威服下者使居大位故亡義而有財者顯於世  
欺謾而善書者尊於朝諄逆而勇猛者貴於官

薛宣明習文法詔補爲御史中丞執法殿中外總部刺史數言  
政事舉奏部刺史郡國二千石所貶退稱白黑分明由是知名  
舊唐書帝思謙在憲司每見王公未嘗行拜禮或勸之荅曰鵬  
鷲鷹鸛豈衆禽之偶柰何設拜以狎之且耳目之官固當獨立  
也則天光宅元年分置左右肅政臺復以思謙爲右肅政大夫  
大夫舊與御史抗禮思謙獨坐受其拜或以爲言思謙曰國家  
班列自有老等柰何以姑息爲事耶

開元中崔隱甫爲御史大夫帝謂曰卿爲御史海內咸云稱職  
甚副朕之所委又憲司故事大夫以下監察御史覲爲官政畧  
無承稟隱甫一切督責事無大小悉令諮決稍有忤意者便列  
上其罪前後貶黜殆半群僚側目

李景讓爲御史大夫內臣貴戚泥樓有看街樓閣皆泥之

畏其彈劾

會要御史大夫李承嘉嘗召諸御史責之曰近日御史彈事不容大夫禮乎眾不敢對監察御史蕭至忠進曰故事臺中無長官御史人君耳目比肩事主得自彈事不相關白若先白大夫而許則彈大夫不知白誰也

唐書睿宗制曰國之副相位亞中台自匪邦直孰司天憲將作大匠尹思貞剛不護缺清而畏知簡言易從莊色難犯徵先王之體要敷祚必陳折佞臣之怙權拂衣而謝故以事聞海內名動京師鷹隼是擊豺狼自遠必能條理前弊發揮舊章宜承弄印之榮式允登車之志

李叔明字晉族兄仲通字向叔明與仲通俱尹京兆及兼秩御史中丞茲節制劍南又與子昇俱兼大夫蜀人推為盛門肅宗時李

峴與兄岷俱以京兆兼御史大夫

唐臺儀大夫中丞午後三刻出迴避丞相如午前出宰相迴避

大夫中丞分紀江左拜中丞不得復入尚書省中丞鹵簿至百官避路北史後魏御史中丞其出入千步清道與皇

上太子分道王公避避

中宗制避車要秩非德靡升專席雄班惟賢是屬侍中楊再思投水陳謨邁漢朝之三傑霑砂作相掩虞日之五臣佇因獻替兼肅權豪宜分務於鸞扃俾効能於烏署

烏臺峻秩朱博傳漢御史府并舍百餘區府中列栢樹常有野鳥数千棲止朝去夕來望總鐵冠蒼

佩崇班威高石室爾蘇瑯詞吞楚澤量湛黃陂西京展驥道掩題輿右輔憑熊風超露冕朱帷霧撒初停州縣之勞白簡霜飛

晉傳玄天性峻急每有奏劾或直日暮捧白簡整襟坐以待旦於是貴遊憚伏臺閣生風道詩盛府持清橐殊章動繡衣風連臺閣起霜就簡花飛宜屏權豪之氣蘇

備要治平中執政恃權以沮言者凡臺諫官言入輒以進呈訖寢之時謂之訖了也

漢官御史大夫本有兩丞其一曰御史丞二曰御史中丞謂之中者以其別在殿中掌蘭臺秘書外督捕刺史內領侍御史受公卿章奏糾察百寮休有光烈

漢官解詁建武以來省御史大夫官屬入侍蘭臺蘭臺有十五人特置中丞一人以總之此官得舉非法其權次尚書

魏志鮑勛字叔業黃初四年尚書令陳群僕射司馬懿並舉勛為宮正宮正即御史中丞也帝不得已而用之百寮嚴憚罔不

肅然

傳咸中丞箴煌煌天文宿星是環爰立執法光輝有煥執朝之綱秉國之憲鷹虎視揚肅清違慢

通典宋中丞銅印黑綬進賢兩梁冠佩水蒼玉介幘絳朝服南史中丞給威儀十人其八人武冠絳鞬執清儀囊在前唐書舒元褒上疏曰元和長慶中中丞呵止不過半坊今乃至兩坊謂之籠街喝道但以崇高自大

宋書王淮之字元魯高祖彬尚書僕射曾祖彪之尚書令祖臨之父納之並御史中丞彪之博聞多識練悉朝儀自是家世相傳並諳江左舊事緘之青箱世人謂之王氏青箱學

南史王僧虔為御史中丞領驍騎將軍甲族由來多不居憲臺王氏分枝居烏衣者位宦微減僧虔為此官乃曰此是烏衣諸

郎坐處我亦可試為耳

江淹字文通為中丞明帝曰今君為南司足以肅震百僚也淹乃彈中書令謝朓等內外肅然帝曰自宋以來無嚴明中丞君

今日可謂近世獨步

任昉為中丞簪裾輻輳預其讌者殷芸劉溉劉孺顯劉孝綽陸倕而已號曰龍門之遊

沈冲字景綽與兄淡深並歷御史中丞兄弟三人皆為司直晉宋所未有也

北史宋游道神武啓以為中尉文襄執請乃以吏部郎史崔暹為御史中尉以游道為尚書左丞文襄謂暹遊道曰卿一人處南臺一人處北省當使天下肅然 崔暹字季倫為御史中

尉文襄與諸公出之東山遇暹在道前驅為赤棒所擊文襄與馬避之魏帝宴華林園謂神武曰自頃所在百司多有貪暴朝廷中有用心公平直言彈劾不避親戚者王可勸酒神武降階跪言唯御史中尉崔暹一人謹奉明旨敢以酒勸

唐書盧奕懷慎之少子也與兄奐齊名天寶十一年為御史中

丞始懷慎及奐並為此官父子三人為中丞清節不易時人美

之三朝要畧梁張綰字孝卿為中丞兄績為僕射元日朝會及百司就列兄弟並道騶兩塗時人榮之

文宗曰牛僧儒可為大夫鄭覃曰頃為中丞未嘗搏擊恐無夙望上曰鸞鳳與鷹隼事異

仁宗實錄張昇為中丞仁宗以昇指切時事無所避曰卿孤特乃能如是昇曰臣朴學愚忠仰託睿聖是為不孤今陛下之臣

特祿養交者多而赤心報國者少似陛下孤立也

東軒筆錄孫參朴為中丞薦唐介吳中復為御史人或問曰君

未嘗與二人相識而遽薦之何也答曰昔人耻呈身御史今豈

求識面臺官也後二人皆以風力稱於天下御史臺有閣吏隸臺中四十年聲若

之時以所執之挺待中丞賢否賢則橫其挺不賢則直其挺凡

為中丞惟恐其直時范諷為中丞一日視其挺直范問曰爾挺

忽直豈我之失耶吏曰昨日中丞召客諭庖人造食指揮者數

四去又教戒之數四大凡役人者授以法觀其成何俟喋喋若

使宰天下如此不亦勞乎某心却之不知杖之直也范大笑慚明日視之挺復橫矣

九朝通畧豐稷為中丞宦官浸盛稷懷唐書上殿為上讀仇士

良傳數行上曰已諭稷偽不聞讀畢

言行錄張詠為御史中丞時真宗令進所著述且稱文善取常

執綃金龍扇以賜之曰美今日獻文事程文簡公琳權御史中丞宰相張知白曰不辱

吾筆矣尚書故實臺儀自大夫以下至監察通謂之五院御史國朝歷

踐五院者共三人馬季商隱張延賞温造也

通典御史中丞舊曰持書御史中丞也初漢宣帝元鳳中感路温

舒尚德緩刑之言秋季後請讞時帝幸宣室齋居而決事令侍

史二人持書持書御史起于此也魏職令品乘輿臨堂及諸處觀事則持書侍御史協律令

於階側以備顧問梁書謝幾卿自尚書三公郎為治書侍御史舊郎官轉為此職

者謂之南奔幾卿頗失志多陳疾臺事畧不復理

何思澄自廷尉遷治書侍御史宋齊已來此職甚輕天監初始

重其選車前依尚書二丞給三騶執盛印青囊

四百八三



隋書柳或為持書侍御史當朝正色為百寮敬憚上嘉其直謂或曰大丈夫當立名於世無容容而已

六典周御史掌萬民之治令以贊冢宰凡治者受法令焉以其

在殿柱之間亦謂之柱下史秦改為侍御史張蒼自秦時為御

史主柱下方書即其任也漢因秦制置侍御史十五員受公卿

奏事舉劾按章隋唐又置內供奉掌糾舉百僚侍御史號臺端

他人稱曰端公而知雜事者謂之南床殿中監察不得坐凡侍

御史之例不出累月遷登南省故號為南牀曲阜制處以橫榻使參中司

後漢輿服志獬豸冠按禮圖曰法冠也一曰柱後惠文如淳注

獬豸冠秦制也法官服之按董巴注云獬豸神羊也蔡邕曰如

淳應邵云此獸主觸不直故執法者服之楚王獲神羊以為冠

秦滅楚以其君冠賜執法近臣御史服之大駕馬車八十一乘尚書御史皆載最

後一車懸豹尾薛綜注曰侍御史載之

漢表武帝時侍御史又有繡衣直指者出討姦猾理大獄而不

常置注直指而行無阿私也衣以繡者尊寵之也

武帝末郡國盜賊群起暴勝之為直指使者衣繡持斧逐捕盜

督課郡國誅不從命威振州郡

嚴延年字次卿少學法律舉侍御史是時大將軍霍光廢昌邑

王尊立宣帝宣帝初即位延年幼奏光擅廢立亡人臣禮不道

奏雖寢然朝廷肅焉敬憚

張綱字文紀漢安元年選遣八使徇行風俗皆耆儒知名多歷

顯位唯綱年少官次最微餘人受命之部而綱獨埋其車輪於

洛陽都亭曰豺狼當路安問狐狸遂効大將軍莫不法事

桓典字公雅拜侍御史是時宦官秉權典執政無所回避常乘

驄馬京師畏憚為之語曰行行且止避驄馬御史

後漢書陳翔字子麟少知名拜侍御時正旦朝賀大將軍梁冀

威儀不整翔奏異恃貴不敬請收案罪時人奇之

魏畧當大會殿中侍御簪白筆側陞而坐帝問左右此何官何

王辛毗曰此謂御史舊時簪筆以奏不法當如今者直備位但

眊筆耳王弘義為侍御史恨其傍舍求瓜不遂狀言園有白兔

晉書劉暉字長升毅子也正直有父風為侍御史武庫火尚書

郭彰率百人自衛而不救火暉正色詰之彰怒曰我能截君角

也暉勃然謂彰曰君何敢恃寵作威帝怒于法冠而欲截角

乎求紙筆奏之彰伏不敢言

唐書李素之高祖令授七品清要官所司擬雍司戶上曰此官

要而不清擬秘書郎上曰此官清而不要遂授侍御史

乾封二年常仁約除御史約曰御史啣命出使不能動搖山岳

震懾州縣誠曠職耳王志愔為左臺侍御史執法剛正百僚畏

之視燕雀也

賈言忠為侍御史時有事遼東言忠奉使往支軍糧及還高宗

問以軍事言忠盡具山川地勢且陳遼東可平之狀高宗大悅

忠嘗撰監察本草云服之心憂多驚悸生白髮時議云裏行及

試員外者為合口椒最有毒監察為開口椒毒微歇殿中為羅

蔔亦曰生薑雖辛辣而不為患侍御史為脆梨漸入佳味遷員

外郎為其子可久服

敬宗朝夏州節度使李祐入朝違詔進奉侍御温造彈之祐趨出待罪股戰流汗謂人曰吾夜踰蔡州城擒吳元濟未嘗心動今日膽落温御史矣

通典舊御史遭長官於途皆免帽降乘長官職轡辭而止馬乾封中王本立為侍御史意氣頗高塗逢長官端揖而已自是諸人或降而立或一足至地或側鞍弛輦輕重無常開元以來但

舉鞭聳揖而已

侍御史凡上堂絕言笑不可忍者雜端大笑則闔座皆笑謂之烘堂烘堂不罰

言行錄劉忠肅公摯擢侍御史公自熙寧以言去位踰十六年乃復任言責好佞刻薄之吏書狀顯著公皆正色彈劾多所貶黜中外肅然時人以比包希仁呂獻可上察其忠義誠信可屬

重任未幾大用焉

質肅公唐介為御史張堯佐再除宣徽使介爭之仁宗諭曰除擬初出中書介遂極言宰相文彥博知益州日進燈籠錦媚貴妃致位宰相請逐彥博仁宗怒貶介英州別駕晁以道云仁宗貶唐介嶺南遣中使賜介金又畫其象置之便殿

梁張緬為中丞號為勁直

梁武帝遣圖其形於臺省以勵當官

皇祐中侍御史宋禧上言乞官中養羅江狗以備不虞上曰養兵百萬威制夷狄尚虞不可備不虞卿令官養狗無謂也曹穎叔言朝言不及犬馬而禧被黜於是有宋羅江之號

則天將不利於王室

羅織之徒已與矣時授侯思立為游擊將軍高元禮呼之為侯大曰國家用人不次若言侯大不識字即奏云獬豸獸亦不識字而能觸邪則天果如其問思立以獬豸對則天授三年乃拜左臺侍御史

魏蘭臺遣御史二人居殿中伺察姦非側陞而坐故曰殿中侍  
御史隋改殿內侍御史唐武德置殿中侍御史四員正官增二  
人掌殿廷供奉之儀京畿諸州兵皆隸焉彈舉違失號為副端  
正班列於閤門之外有離立失列言囂而不肅則紀法之其正  
冬大會則戴黑豸乘馬加飾文明元年又置殿中裏行東殿中  
侍御史二人正七品掌言事分糾凡朝會及朔望六參官班序  
元豐八年詔殿中侍御兼察事監察御史兼言事元置殿中侍  
御史二人每遇侍朝立於龍墀之下專掌朝見之儀  
唐書張行成少師事劉炫炫曰張子體局方正廊廟材也補殿  
中侍御史糾劾不避威權太宗謂房玄齡曰觀古今用久必因  
媒介若行或者朕自舉之無先容也

上官儀位宰相時以雍州司士常絢為殿中侍御史或言非遷  
儀曰此野人語耳御史供奉赤墀下接武夔龍遮羽鷓鴣豈雍  
州判佐比乎

職林正無兢轉殿中侍御史舊例每日更直於殿有三班時宰  
相宗楚客楊再思常離班偶語無兢前曰朝禮至敬公等大臣  
輕易以慢常典

郭弘霸為左臺殿中侍御史則天召見弘霸自  
陳忠鯁云往年征徐敬業臣願抽其筋食其肉  
飲其血絕其髓則天悅  
故拜為左臺侍御史

言行錄趙清獻公抃召為殿中侍御史彈劾不避權倖京師號  
為鐵面御史

龐莊敏公籍入為殿中侍御史中丞孔道輔謂人曰今之御史  
多承望要人風旨陰為之用獨龐公天子御史耳

實錄治平二年以范純仁為殿中侍御史呂太防為監察御史  
震行近制御史有闕則命翰林學士御史中丞迭舉二人而上  
自擇取一人為之至是闕兩員舉者未上內出純仁大防姓名  
而命之

係年錄紹興三十一年杜莘老為殿中侍御史入見上曰知卿  
不畏強禦故有此授為御史極言無隱取衆所指如王繼先張  
去偽輩悉擊去之及罷去朝士祖道都門以詩文稱述者百餘  
人都人至今以為美談雖宿衛武夫府寺賤隸誦說前朝骨鯁  
敢言之臣必杜殿院云

洪咨夔辭殿中侍御史狀竊惟柱後惠文之官尤重殿中執法  
之選職脩明於國是用整肅於朝綱粵從琴瑟之更張類多矛

者之竝立遺帥之或和或戰正值兩強廷臣之款

一勝決治亂安危之勢觀抑揚進退之機疇副臺端

考索秦有監察御史掌監部漢惠帝六年相國奏遣御史監三

部監者二歲更常以十一月奏事十二月還監其後州置監御

史宣帝遣御史察稽簿不實者監察之名兼取於此東晉武帝

太元中置檢校御史知行馬外事沈約宋書古司隸校尉知行

專掌行馬外事晉書曰隋改檢校御史唐貞觀又置監察御史

初以吳混之為此官憲獨始以馬周為之宋御史多出外任風憲之職以他官領

寧三年除秀州軍事推官李定權監察御史裏行用選人為御

史自定始乾道二年詔自今非曾經兩任縣令不得除監察御

史著為條令元御史臺置監察御史又置曲事

唐百官志監察御史有六其一察官人善惡其二察戶口流散  
帳籍隱沒賦役不均其三察農桑不勤食廩耗減其四察妖滑  
賊盜不事生業爲私蠹害其五察德行孝悌茂材異等藏器晦  
迹應時用者其六察黠吏豪宗兼并縱暴負弱寃苦不能自申  
者

李嶠論陛下置右臺分巡天下察吏人善惡觀風俗得失斯政  
途之綱紀禮法之準繩也然諸道巡察使所條科目凡有四十  
四件至於別準格勅令察訪者又有三十餘條而巡察使率是  
三月已後出都十一月終奏事時限迫促臣望量其功程

大明會典凡監察御史按察司官巡歷去處所問公事有擬斷  
不當者都察院按察總司隨即改正當該吏典罪之如律仍將  
原問御史及分司官擬斷不當事理具奏得旨方許收問  
凡監察御史按察司官巡歷去處所聞有司等官守法奉公廉  
能昭著隨即舉聞若奸貪廢事蠹政害民者即便拿問其應請  
旨者其實奏聞若知善不舉見惡不擊杖一百發煙瘴地面安  
置有贓從重論

凡國家政令得失軍民利病一切興利除害等事並聽監察御  
史按察司官各陳所見直言無隱

李勉拜監察御史屬朝廷右武勳臣恃寵多不知禮大將管崇  
嗣於行在朝堂背闕而坐勉劾之肅宗歎曰吾有李勉始知朝  
廷尊矣

帝表微擢進士授監察御史不樂曰爵祿譬滋味也人皆欲之

吾年五十拭鏡擲白晷遊少年間取一班一級不見其味也將為松菊主人不愧陶淵明云

因話錄察院諸廳各有他名會昌初監察御史鄭路所署禮察

廳謂之松廳南有古松也呂太一拜監察御史雲行自負才華而不即真乃詠院中叢竹以寄志焉

曰擢擢堂軒竹青青兩歲寒心貞徒見賞籜小未成竿

楊假楊收並遺直之子假自浙西觀察判官入為監察御史收亦自西川入為監察御史兄弟竝居憲府特為新例

言行錄明道先生顯權監察御史裏行前後進說甚多要以正心室欲求賢育材為先嘗言人主當防未萌之欲神宗俯身拱手曰當為卿戒之問所以為御史對曰使臣拾遺補缺裨贊朝廷則可使臣掇拾臣下短長以沽直名則不能神宗歎賞以為

得御史體

洪咨夔辭鑒察竊以公議國家之命脉人材朝廷之精氣方其未出則望之如景星如鳳凰及其既用則倚之為屈軼為獬豸元祐王巖叟之召明道范仲淹之來繁時所推皆此其選周必大表

分直樓鳳之南察事行馬之外

通政司

筆談銀臺司兼門下封駁乃給事中之職當隸門下省故事乃隸樞密院下寺監皆行劄子寺監具申狀雖二司亦言上銀臺主判不以官品初冬獨賜翠毛錦袍

類聚虞書帝曰龍朕疾讒說殄行震驚朕師汝作納言夙夜出納朕命惟允唐置門下省有侍中侍郎左散騎右諫議給事左

補闕拾遺等官宋太宗從魏羽請置封駁司又自通進銀臺司  
 以待從官知元豐官制行有門下後省 國朝建文時通政司  
 為寺使為卿通政參政為少卿增其屬左右補闕拾遺各二員  
 後改通政司使正三品 左右通政正四品 左右參議正五品 經歷知事  
 分理庶務焉

宋舊制止出納文書至嘉祐中何郊以待制領此職詔令有不  
 便者輒封去之仁宗嘉其振職皆從之自此始為故事

故事中書進熟進草惟執政書押官制行筆談要事對稟謂之熟狀常事擬進謂之  
 草進給事獨書畫黃而不書草為令

原始 太祖命曾秉正為通政使諭之曰壅蔽於言者禍亂之  
 萌專恣于事者權姦之漸故重喉舌之司以通上下之情以達

天下之政昔者虞之納言周之內史漢之尚書唐之門下省皆  
 其職也官以通政為名政猶水也欲其常通無壅遏之患其審  
 命令以正百司達幽隱以通庶務當職奏者勿避忌當駁正者  
 勿阿隨當敷陳者毋隱蔽當引見者毋留難毋巧言以取容毋  
 苛察以邀功毋讒間以欺罔公清亮直以處厥心庶不負委任  
 之意太宗淳化四年以向敏中張詠同知銀臺通政司 二  
 司舊隸樞密院至是始以敏中詠同知司事隸門下  
 會典洪武間令本司職專出納與內外諸司俱無文移有徑行  
 本司者以違制論後又定凡有 帝命必當詳審覆奏允當然  
 後施行

洪武間定凡有四方陳情建言伸訴冤枉民間疾苦善惡等事  
 知必隨即奏聞及告不公不法等事事重者於底簿內騰寫所



告緣由齎狀奏聞仍將所奏 旨意於上批寫送該科給事中  
轉令該衙門抄行常事者另置底簿將文狀編號用使關防明  
立前件連人狀送當該衙門整理月終奏謝底簿送該科督併  
承行該衙門回銷

凡每日早朝引奏天下臣民及入遞所奏事或五事七事遇大  
寒大暑減免奏疏不一

凡六科中書舍人行移各衙門俱經本司轉行

諫院

類聚秦置諫臣郎中令屬官有諫大夫無常員多至數十漢武  
帝元狩五年初置諫大夫秩八百石後漢諫議大夫六百石後  
齊集書省有諫議大夫七人隋門下省有諫議大夫七人唐龍

朔改正諫大夫貞元四年分爲左右左隸門下右隸中書宋承  
五代之弊纔以定俸入而不親職明道元年陳執中爲諫官屢  
請置院於是以前下省爲諫院徙舊省於左掖之西置諫院自  
此始建炎三年詔諫議大夫不隸兩省別置局於後省之側許  
與兩省官相見議事以登聞檢鼓專隸焉 補闕古無其官取

詩衮職有闕仲山甫補之義魏文帝勅群臣曰公卿等宜拾朕  
之闕唐武后垂拱因其義創立四員宋雍熙五年改左右補闕  
爲左右司諫正七品

左傳楚有箴尹之職  
即今補闕拾遺官

拾遺古無其官漢

汲黯願爲中郎署出入禁闥補闕拾遺續漢書張衡爲侍中拾  
遺左右唐武后垂拱中因其義創立各二員宋雍熙改左右拾  
遺爲左右正言從七品元置諫議大夫及司諫補闕拾遺皆以

左右分員 國朝初置諫議大夫左右司諫左右正言今改六  
科都給事中正七品左右給事中給事中俱從七品不它隸以專彈劾  
馬

穀梁傳士造辟而言詭辭而出范甯曰辟君也詭辭而出不以  
實告人也風俗通曰禮諫有五諷為上故入則造膝出則詭辭  
故傳季友為劉穆之求贈表忠規密謨潛慮帷幄造膝詭辭莫  
見其際

漢書元帝寢疾史丹直入卧内頓首伏青蒲流涕言漢官儀九章表皆啓

封其言密事則用卓囊也

唐書張玄素諫太宗修洛陽宮魏徵歎曰張公論事有回天之  
力可謂仁人之言其利溥矣唐高宗自韓瑗褚遂良之死内外以言為諱高宗造奉天宮李善感

始上書極言之時人喜之謂之鳳鳴朝陽

大曆十二年詔曰諫官所獻封事不限早晚任進狀來所由門  
司不得輒有停滯如須側門論事亦隨狀面奏即便令引對  
憲宗謂李絳曰比諫官多朋黨論奏不實皆陷謗訕欲黜其尤  
者若何絳曰人臣進言豈易哉如欲陳十事俄而去五六及時  
以聞而削其半故上達者纔一二今乃欲譴訶之使直言箝口  
非社稷利也

東都事畧劉元成安世字器之遍歷言路正色立朝知無不言  
言無不盡每以辨是非邪正為先進君子退小人為急其面拆  
廷爭雷霆之怒赫然則執簡却立伺天威少霽復前極論一時  
奏對且前且却者或至四五殿廷觀者皆汗縮竦聽退則咨嗟

歎服至以俚語目之曰殿上虎

田錫字表聖嘗曰吾立朝以來封章五十二奏皆諫臣職任之常事也豈可藏副示後謗時賣直悉取焚之真宗見之色必莊嚴常謂曰此朕之汲黯也

言行錄陳忠肅公瓘字瑩中公在言路知無不言然議論特平務存大體彈擊不苛細故未嘗及人私過

司馬光諫院題名古者諫無官自公卿大夫至於工商無不得諫者漢興以來始置官夫以天下之政四海之衆得失利病萃于一官使之言之其為任亦重矣居是官者當志其大捨其細先其急後其緩專利國家而不為身謀彼汲汲於名者猶汲汲於利也其間相去何遠哉

漢書李尤字伯仁侍中賈逵薦尤有楊雄之才明帝召作東屏

雍德陽諸觀銘拜諫議大夫  
魏書張普惠為諫議大夫任城王澄謂普惠曰不喜君得諫議惟喜諫議得君

唐書蘇世長拜諫議大夫侍宴披香殿世長曰是殿雕麗非煬帝作耶高祖曰卿豈不知是朕作耶對曰瓊宮瑤臺非創業所為耳

李景伯景龍中為諫議大夫中宗宴侍臣酒酣各命為回波詞或以諂言媚上或要丐膠寵至李景伯獨為箴規語以諷帝不悅中書令蕭至忠曰真諫官也

白居易與元稹書僕為諫官月請諫紙詩日月慚諫紙二百張

李氏談錄先公嘗言故左省崔坡頌事于宗諤因問坡義答曰  
唐諫議大夫雖在給舍之上待諫議歲滿方遷給事自給事遷  
舍人時有自郎署拜諫議者驟立在給舍上朝中謂曰饒君斗  
上坡亦須斗下坡來蓋言其却為給舍序班在下也後遂為故  
事諫議班在知制誥上若帶待制則  
在知制誥下從職也戲語曰帶墜  
言行錄蕭正肅公燧字照鄰遷右諫議入謝孝宗曰卿論議鯁  
切不求名譽糾正奸邪不恤仇怨故制詞謂善不近名仁必有  
勇道上也

六典左右補闕掌供奉諷諫危從乘輿凡發令舉事有不便於  
時不合於道大則廷議小則上封若賢良之遺滯於下忠孝之  
不聞於上則條其事狀而薦言之左右拾遺垂拱中所置言

國家有遺事拾而進之

唐書裴均在中書有獨孤郁李正辭嚴休復自拾遺轉補闕及  
參謝之際均廷語之曰獨孤與李二拾遺孜孜獻納今之遷轉  
可謂酬勞無愧矣嚴補闕官業或異於斯昨者進擬不無疑緩  
休復悚慙而退

文宗以魏謩為補闕上嘗言於宰臣曰太宗皇帝得魏徵採拾  
闕失躬成聖政今我得魏謩於疑似之間必極匡諫雖不敢希  
及貞觀之政庶幾處於無過之地

鄭餘慶子澣為右補闕獻疏切直餘慶入朝憲宗謂曰卿之令  
子朕之直臣可更相賀

言行錄韓忠獻公為左司諫王沂公見公論事直切有本末嘉

謂公曰比年臺諫官多畏避為自安計否則激發近名如君固  
不負所職諫官宜如此 忠獻琦公為諫官三年所存諫藁欲  
歛而焚之以効古人謹密之義然恐無以見人主從諫之美乃  
集七十餘章曰諫垣存藁自序於其首大畧曰諫主於理勝而  
以至誠將之

仁宗正史明道中執政除其親舊二人為直言司諫上謂曰祖  
宗法制臺諫官須出自宸選若大臣自除則大臣過失無敢言  
者執政惶恐

崇政殿說書呂希哲除為右司諫蘇軾戲謂曰法筵龍象當觀  
第一義希哲笑而不言傳燈錄達磨傳波羅提法中龍象按  
度論云龍象言其力大水行中龍力大陸行中象力大故負

大法者比之龍象宋播芳賀洪郎中拜察院啓儀粉省以歸班  
封阜囊而論事回天有力方將批徑尺之鱗

偃月生疑已不容立仗之馬曾謂考功一出息之頃遂見拾遺  
九鑽火之明星既折於中台帝遂前於半夜甫登表著徑拜裏  
行鱗多觸邪難置很豺而不問鷹隼始擊  
尤關龍象之共觀鮮聞破頰已足落膽

唐書柳宗遷左拾遺公卿朝野託為箴奏時譽以其博奧目為

柳篋李藩給事中制勅有不可遂於黃紙後批之吏曰宜別連  
白紙藩曰別以白紙是文狀豈批勅耶裴均稱有宰相器

宋書田錫為左拾遺言軍國要機者一以議平漢之功駕馭戎

臣朝廷大體者四其乙乞脩德以來遠宜罷交州之司其二諫  
官不聞廷諍給事中不聞封駁願擇材任人各司其局其三願

別修寺省用列職官其四言獄官以鐵為枷於法所無太宗覽

疏優詔褒答賜錢五十萬曰天植其性豈一賞可奪上作開元  
寺塔錫上

疏衆謂金碧焚煌  
臣以為在膏鬢血

魯宗道為右正言事有違悞風聞彈疏真宗厭之一日願罷去上悅其忠慰勉以遣他日追念其言御筆題曰魯直

漢儀注諸給事中日上朝謁平尚書奏事分為左右以有事殿

中故曰給事中多名儒國親為之掌左右顧問黃門郎屬黃

門每旦暮入對青瑣門拜名曰夕郎通典齊世呼侍中為門下給事黃門為小門下

百官志掌侍左右分判省事弘文館繕寫校讎之課凡百司奏

抄侍中既審則駁正違失詔勅不便者塗竄而奏還謂之塗歸

季終奏駁正之目

六典給事中龍朔二年改為東臺舍人劉伯芻除給事制曰給

事東閹實掌駁議崔瑗除給事制曰左省駁議不畏強禦

舊唐書李遜為給事中嘗論時政以為事君之義有犯無隱

誠君沃不必擇辰今君臣敷奏乃候隻日是畢歲臣下睹天顏

獻可否能幾何憲宗嘉之陳紀父寔寔子群文帝使給事曰何如祖父曰臣父有言而治臣有言而

治不

會典凡每日早朝六科輪官一員於殿廷左右執筆紀錄

聖旨仍於文簿內註寫某日某官某欽記相同以防壅蔽凡

各衙門題奏本狀奉旨發落事件開坐具本戶禮兵工刑五

科俱送吏科每日早朝六科掌科官同於

御前進呈凡內外一應章奏該部院題覆行各撫按官俱立

限奏報仍具考成簿二扇每日赴科倒換并開已未完手本註

銷每上下半年各科將過限未完事件并撫按職名先行該部

查明類送應題科分查覆欠數多寡具本題參

凡登聞鼓

樓每日各科輪官一員如有申訴冤枉并陳告機密事情者受狀具題本封進其訴狀人先自殘傷者叅奏如決囚之日有訴寃者受狀後批校尉手傳令停決候 旨嘉靖年議准重囚家屬於臨決前一日即訴鼓薄暮封進

蔡襄賀梁給事中啓綴直西垣通籍北省專銀臺封駁之職進

瑣闥追趨之班云湊風雲之嘉會躡霄漢之清蹕鴛鴦拜

之遷傾倒辰猷之告封詞頭而不下舊傳解事舍人之名批敕尾以復歸共親儒者給事之效惟出令毋嫌反汗則議論咸歎

回天

登聞檢院鼓院

類聚唐天寶九載匭使爲獻納使後又改知匭使宋雍熙元年

改匭爲樞景德四年改爲登聞檢院命樞密直學士張詠判隸諫議大夫掌受文武官及士民章奏表疏凡言朝政得失公私利害軍期機密陳乞恩賞理雪寃濫又竒方異術皆受以通達凡進狀者先鼓院若爲所抑則詣檢院中興之初因舊制置局于闕門之前南渡以來創治所於和寧門之下紹興戊寅復丞平之制移置居雙闕之左元置登聞檢院又置同知一員

唐書武后匭四區東曰延恩有以養人觀農之事及南曰招諫

有言時政得失及直言正諫者投之西曰伸寃有披陳窮北曰通玄有言玄象非常災變及隱

秘者以正諫大夫補闕拾遺一人充使知匭事

隆平集咸平改登聞院曰登聞檢院鼓司曰登聞鼓院自是匭函遂廢天聖間復於檢院鼓院各以匭函爲檢匣凡言大事朝

政闕失或訴冤未辨者悉命檢匣以進即言涉竒邪無得通聞  
置檢理使領之

真宗實錄田錫字表聖入判登聞檢院因壽寧節獻詩二十韻  
太宗和賜又上東封書翌日命知制誥

考索宋文帝元嘉元年魏主詔闕左懸登聞鼓以達寃人南梁  
武帝天監六年詔於公府謗木肺石傍各置一函百姓已窮九  
重莫達若欲自申投肺石函唐大曆中詔天下寃滯於朝堂受  
詞推決尚未盡者聽槌登聞鼓宋曰鼓司以內臣掌之鼓在宣  
德門南樓北廊至道三年命太子中舍王濟勾當鼓司用朝臣  
勾當自此始景德四年詔改爲登聞鼓院掌諸上封而進之以  
達萬人之情隸諫院正言凡文武臣僚閣門無例通進文字並

先經登聞鼓院進狀未經鼓院者檢院不得收接建炎元年因  
舊制置局之闕門之前三年專隸諫院元亦置登聞鼓院掌奏  
告御史臺登聞檢院理斷不當之事

言行錄呂申公公著謚正獻差判登聞鼓院公研精講學無進  
趨之意嘗與王介甫相對而歎曰今天下雖小康然堯舜之道  
知其不可復行以故求閑局將以遂其志

### 中書科

考索漢尚書郎侍直宿建禮門奏事明光殿下筆爲誥令乃今  
中書舍人也唐武德置舍人六人後改中書舍人龍朔改西臺  
舍人光宅改鳳閣舍人開元改紫薇舍人宋初中書舍人爲所  
遷官實不任職復置知制誥及直舍人院主行辭命封還詞頭



宣詔命齊永平初四員各居一省時謂之四戶權傾天下與給

事中為一流隋煬帝改為內書舍人唐武德改中書舍人置六

員自永淳以來天下文章道盛臺閣髦彥無不以文章達故中

書舍人為文士之極任朝廷之盛選諸官無比 國朝初設直

省舍人從八品洪武九年改中書舍人正七品後革中書省更

定為從七品職專書寫詔勅冊符鐵券等事共額設二十員無

正副推年深者一人掌印其封蔭帶俸及文華武英東西二房

內閣詔勅制勅一房分直者無常員 文華殿門東房則設中

書舍人分直職專奉 旨書寫書籍等項武英殿門西房別設

中書舍人分直職專奉 旨寫篆冊寶圖書等項凡 親王之

國勅符事號赴內閣膳寫底簿赴印綬監收凡 親王郡王并

妃初授封號合授金冊銀冊寫完仍送銀作局鐫刻 凡內外

文武官應給詔勅俱於翰林院領寫其新製武官詔命自有織

定詔文請詔續詔俱從兵部徑自送黃填寫

址史魏收兼中書舍人與温子昇邢子才齊名世號三才

舊唐書顏籀字師古唐初為起居舍人遷中書舍人專掌機密

于時軍國多務凡有制詔皆成其手師古達於政理冊奏之工

時無及者 帝陟與弟斌俱有盛名于時才名之士王維崔顥盧

象等常與陟唱和宋廣平歎曰盛德遺範盡在是矣

武后天授元年壽春郡王成器兄弟五人初出閣同日受冊有

司撰儀注忘載冊文及百寮在列方知闕禮宰臣相顧失色中

書

五

百

三

書舍人王勅立召小吏五人各令執筆口授分寫同時須更俱畢詞理典贍時人歎服

太宗時馬周為中書舍人岑文本嘗稱馬君論事援引事類商確古今舉要刪煩會文切理一字不可增減 唐故事中書

有軍國大事則中書舍人各執所見雜署其名謂之五花判事

開元二年紫微令姚崇奏紫微舍人六員每議事請舍人

同簽狀凡事有是非理均與奪人心既異所見或殊抑使雷同

情有不盡臣以為執見不同者望請別作連本狀同奏若狀語

交牙恐煩聖思臣既見官長望於兩狀後畧言二理優劣聽進

止則人各盡能官無留事勅曰可 自隋唐以來除改百官必有

禘之曰不經鳳閣 張嘉貞性簡疏與人不疑所薦中書

人苗延嗣呂太一考功員外郎員嘉靜殿中侍御史崔訓皆位

清要日與議政事故當時稱曰令君四俊苗呂崔員

徐堅西臺舍人齊腆子也少好學徧覽經史聖曆中車駕在三

陽宮御史大夫楊再思左庶子王方慶為東都留守引堅為判

官表奏專以委之方慶賞其文章典實常稱曰掌綸誥之選也

再思亦曰此鳳閣舍人樣如此才識走避不得 堅長姑為太

宗充客次姑為高宗婕妤好並有文藻堅父子以詞學著聞議者

方之漢世班氏 張鷟奏曳裾紫禁伏奏青規芝泥發彩宣

會要帝承慶字延休仁約子也補雍王府參軍府中文翰皆出

于承慶辭藻之美擅於一時長壽中累遷鳳閣舍人屬文迅速

雖軍國大事下筆輒成未嘗起草弟嗣立與承慶俱以學行齊

名長壽中代承慶為鳳閣舍人

蘇頲神龍中拜中書舍人尋而頲父同中書門下三品父子同

掌樞密時以為榮機事填委文誥皆出頲手中書令李嶠歎曰

舍人思如湧泉嶠所不及也會要孫處約為舍人高宗曰處約一人足辦我事何須多也

王徽曾祖擇從擇從兄易從天后朝登進士第從弟朋從言從

睿宗朝並以進士擢第昆仲四人開元中三至鳳閣舍人故時

人號鳳閣王家孫遜開元十年登文藻宏麗科拜中書舍人議者以為自開元以來蘇頲齊幹蘇晉賈魯許景

先及遜為王言之最

僉載齊澣開元初姚崇復相用為給事中中書舍人論駁及告

詔皆援準古誼朝廷大政必諮之時號解事舍人陽滔為中書舍人時促令

乃斷憲取得之時人號為斷憲舍人

賈曾授中書舍人曾以父名忠固辭議者以為中書是曹司名

又與曾父音同字別於禮無嫌曾乃就職與蘇晉同掌制誥皆

以詞學見知時人稱為蘇賈子至天寶為中書舍人祿山之亂

從上皇幸蜀時肅宗即位於靈武上皇遣至為傳位罔文上皇

覽之歎曰昔先帝遜位於朕罔文則卿之先父所為今朕以神

器大寶付儲君卿又當演誥累朝盛典出卿父子之手可謂難

矣至伏於御前嗚咽感涕

唐書高郢掌誥累年家無制草或謂曰人皆留制草公焚之何

也曰王言不可存私家時人重其慎密王胡獻賦頌每賜予稍緩必於同列颺言曰語

賦字字作金聲何受賜之晚也

大典唐通事舍人宣語多不知書至宣讀輒失句度故用拾遺

團句低聲以助之謂之把麻

湘山野錄真宗時日本國入貢求本國神光寺記舍人辨不工令學

士張君房代之張退食多潛飲市樓披垣求之不得大窘時神放以司諫歸華山楊大年為閑忙令云世上何人號最閑司諫拂衣歸華山世上何人號最忙紫微失却張君房

國史補太宗嘗云朝廷每除一舍人六親相賀諺云一佛出世

李泌傳給舍分司押事故舍人謂之六押盧氏雜說中舍時日為宰相判官

總卿

釋名卿慶也言萬物皆慶賴之玉海卿嚮也言為人所歸嚮也

白虎通卿之為言彰也章善明治也大夫之為言大扶進人者

也故傳曰進賢達能謂之大夫也士者事也任事之稱也故傳

曰通古今辨然否謂之士

周禮建外朝之法左九棘孤卿大夫位馬群士在其後右九棘公侯伯子

子位馬群吏在其後百三摠三公位馬州長象庶俱在其後

莊子楚昭王失國屠羊說走而從於昭王王謂司馬子綦曰屠

羊說居處卑賤而陳義甚高為我延之以三旌注三旌三公位

也司馬本作三珪謂諸侯之三卿皆執珪

史記虞卿者游說之士也躡蹻擔簦說趙孝成王一見賜黃金

百鎰白璧一雙再見為趙上卿故號為虞卿

漢書常玄成作詩戒示子孫曰明明天子俊德烈烈不遂我遺

恤我九列注九列卿之位

後書更始時其所授官爵者皆郡小賈豎豫章李淑上書諫曰

夫三公上應台宿九卿下括河海惟名與器聖人所重敗財傷

錦所宜至慮

順帝時大司農劉據以職事被譴召詣尚書傳呼促步又加以

樞樸左雄上言九卿位亞三事班在大臣行有佩玉之節動有  
庠序之儀孝明皇帝始有撲罰皆非古典帝從而改之其後九  
卿無復樞樸者

北堂書鈔王昶課事云卿考課一曰掌建邦國以考制治二曰  
九卿時敘以考敘典三曰經綸國體以考奏議四曰共厲衆職  
以考總攝五曰明慎用刑以考留獄也

百官志古者天子諸侯皆名執政大臣曰正卿自周以來始有  
三公九卿之號漢世雖號九卿其官無卿字至梁始加卿字梁  
又象四時置十二卿後魏依南齊以前置九卿又各加少卿焉  
唐龍朔二年加正卿以別少卿

舊唐書麟德二年將有事於泰山有司議依舊禮皆以太常卿

為亞獻光祿卿為終獻劉祥道駭曰昔在三代六卿位重故得  
佐祠漢魏以來權歸臺省九卿皆為常伯屬官今登封大禮不  
以八座行事而用九卿無乃徇虛名而忘事實乎高宗從其議  
竟以司徒徐王元禮為亞獻祥道為終獻

韋洪景以直道進議論持正有守當時風教所倚賴為長慶名

卿

南史九卿位為列棘作事成務隋表  
三公址三星曰九卿內坐主治萬事

大理寺

類聚大理古司刑官也舜命臯陶作士正五刑秦置廷尉掌刑  
辟有左右監漢因之景帝更名大理武帝復為廷尉宣帝置左  
右廷尉平哀帝復為大理取天宮貴人之率曰大理之義梁為  
秋卿唐因之卿一人少卿二人龍朔改為詳刑寺光宅改為司

刑寺宋大理寺以朝官一員或二員判寺事一員兼少卿事建  
隆二年以工部尚書竇儀判寺事凡獄訟之事隨官司決効不  
復聽訊但掌斷天下奏獄送審刑院詳訖同書以上于朝熙寧  
九年神宗謂國初廢大理獄非是以問孫洙洙對合旨於是下  
詔以京師官寺凡有獄皆繫開封府司錄司及左右軍巡三院  
囚逮猥多難於隔訊又暑多瘦死因緣留滯動涉歲時稽參故  
事宜屬理官可復置大理獄天下奏案刑部審刑院詳斷置卿  
一少卿二丞四官制行左斷刑右治獄各五案左廳斷刑曰詳刑詳讞宣黃分簿奏表右廳治獄曰左推右推寺案知雜檢治卿掌折獄詳刑鞫獄之事凡職務分左  
右天下奏効命官將校及大辟以下以疑請讞者隸左斷刑則  
司直評事詳斷丞議之正審之若在京百司事當推治或持旨

委勘及係官之初應追究者隸右治獄則丞專推鞫蓋少卿分  
領其事而卿總焉建炎二年併省寺監而大理如故省卿而斷  
刑治獄少卿各一員今大元仍唐宋舊置大理寺掌審斷天下  
奏案凡刑獄之事以大理卿爲之長 後魏置少卿唐置二人  
宋以朝官一員兼少卿事神宗置大理獄少卿二員以蹇周輔  
揚汲爲之分左斷刑右治獄元仍置大理少卿 大理正周鄉  
師之屬秦置廷尉正一人漢廷尉正監及平謂之廷尉三官秩  
千石梁服獬豸冠銅印墨綬第六品隋煬帝增置六人唐置二  
人龍朔改爲詳刑大夫光宅中爲司刑宋神宗復置大理獄後  
置寺正元豐五年刑部奏乞分評事司直與正爲斷司丞與長  
貳爲議司凡斷案先上正看詳當否論難改正然後過議司復

議元仍置正 後魏永安三年高穆奏置司直十人位在正監  
 上不署曹事惟覆理御史檢劾事唐置六人掌承制出使推覆  
 若寺有疑獄則參議之宋元豐五年始命程嗣先四人為司直  
 建炎三年詔斷刑司直兼治獄司直其治獄司直罷大元仍唐  
 宋舊置大理司直 漢宣帝初於廷尉置左右平秩六百石員  
 四人光武省右平惟有左平掌平決詔獄冠法冠隋置大理評  
 事唐貞觀中褚遂良議重法官奏置評事十員掌出使推覆宋  
 熙寧置大理獄至元豐始命張仲穎等十二人為評事大元仍  
 置大理評事 國朝置大理寺以六部都通大理為大九卿卿  
 正三 左右少卿正四 左右寺丞正五 左右寺正正六 副從六左  
 右評事正八 分理庶務焉

書帝曰臯陶汝作士五刑有服五服三就五流有宅五宅三居  
 惟明克允

家語季羔為衛之士師則人之足俄而衛亂季羔逃之走郭門  
 則者守門焉季羔謂則者吾不能虧主之法而親則子之足矣  
 今吾在難此正子報怨之時而逃我者三何故哉則者曰斷足  
 固我之罪無可柰何曩者君治臣以法令先人後臣欲臣之免  
 也臣知之獄決罪定臨當論刑君愀然不樂見於顏色臣又知  
 之君豈私臣哉天生君子其道固然此臣之所以脫君也孔子  
 聞之曰善哉為吏其用法一也思仁恕則樹德加嚴暴則樹怨  
 公以行之其子羔乎

新序楚昭王有士曰石奢者公正好義王使為大理於是廷有

殺人者奢追之即其父也遂反於廷曰殺人者父也以父成政  
 不孝不行君法不忠弛罪廢法而伏其辜僕之所守也伏斧鑕  
 命在君君曰追而不及庸有罪乎子其治事矣石奢曰不私其  
 父非孝也不行君法非忠也以死罪生非廉也君舍之上之慮  
 臣不敢失法下之行也遂不離斧鑕刎頸而死于庭晉文公時李離為大理過聽殺不辜自繫曰臣之罪當死文公令之曰官有上下罰有輕重是下吏之罪也非子之過也離曰臣居官為長不與下吏議位受爵為多不與下吏分利今過聽殺無罪臣之當死遂伏劍而死

楚莊王有茅門者法曰羣臣大夫諸公子入朝馬蹄蹂雷  
 廷理斬其輻而戮其御太子入朝馬蹄蹂雷廷理斬其輻而戮  
 其御太子大怒入為王泣曰為我誅廷理王曰法者所以敬宗  
 廟尊社稷故能立法從令尊敬社稷者社稷之臣也安可以加

誅

後漢崔正德箴邈矣臯陶胡唐作士設為犴狴九則名理如石之平如淵之清三槐九棘以質以聽

前漢書

張釋之為廷尉文帝嘗行有人從渭橋下出乘輿馬驚

捕之屬廷尉釋之奏其犯蹕當罰金上怒釋之曰法者所與天

下公共也方是時上誅之則已今已下廷尉廷尉天下之平也

一傾天下用法皆為之輕重人安所措其手足乎後有盜高廟

座前玉環得令族之釋之奏當棄市大怒釋之曰法如是也今

盜宗廟器而族之如愚人取長陵一杯土陛下何以加其法乎

于定國為廷尉為人謙恭尤重經術其決獄平法務在哀鰥寡

罪疑從輕加審慎之心朝廷稱之曰張釋之為廷尉天下無冤

民于定國為廷尉民自以不冤

孔光為廷尉光久典尚書練法令號稱詳平時定陵侯淳于長



坐大逆誅長小妻廼始等六人皆以長事未發覺時棄去或更  
 嫁及長事發丞相翟方進等議廼始等於法無以解請論光以  
 為夫婦之道有義則合無義則離廼始等或更嫁義已絕而欲  
 以為長妻論殺之名不正不當坐有詔光議是范延壽宣帝時  
 之間有三男共娶一妻生四子長各求離別爭財分子至聞于  
 縣縣不能決斷讞之于廷尉於是廷壽決之以為悖逆人倫比  
 之禽獸生子屬其母以子並付三男于市奏  
 免郡太守令長等無師化之道天子遂可其言

郭恭字仲孫元和三年為廷尉家世掌法務在寬平及典理官  
 決獄斷刑多依矜恕躬弟子鎮自廷尉左監遷廷尉凡郭氏為  
 廷尉者七人

唐書劉德威為大理卿太宗問德威曰近來刑網稍密其過安  
 在德威奏言誠在主上不由臣下人主好寬則寬好急則急律

云失入減三等失出減五等今則反是無辜失出則便獲大罪  
 所以吏各自愛競執深文非有教使之然畏罪之所致耳太宗  
 然之

張文瓘兼大理卿至官旬日斷疑獄四百抵罪者無怨言文瓘  
 有疾繫囚相與齊禱願其視事當時咸稱其執法平恕比戴胄  
 馬拜侍中大理諸囚一時慟哭其感動人心如此

唐臨為大理卿初蒞職斷一死囚先時坐死者十餘人皆他官  
 所斷會太宗幸寺親錄囚徒他官所斷死囚稱冤不已臨所斷  
 者嘿而無言太宗怪之問其故囚對曰唐卿斷臣必無枉濫所  
 以絕意太宗歎息久之曰為獄固當若是

天文錄平星主廷平主平天子之獄故星讚曰平星執法天文

貫索九宿故大理刑官所居總名曰貫城陳子昂為司刑袁卿讓表榮加天寵職察雲司又以大理寺為北寺帝昭辨尉尉也

非也猶刺史刺舉不法也綺談謂大理為大棘

唐官品志廷尉卿梁國初建曰大理天監元年復改為廷尉有

正監平三人元會廷尉三官與建康三官皆法冠玄衣朝服以

監東西中華門手執方木長三尺方一寸謂之執方

國史宋竇儀判理寺奉詔重定刑統援引律疏勅格參酌重輕

增為三十卷尤為詳備太祖嘉之向敏中判理寺時沒入祖吉

賊錢分賜法吏敏中引鍾離意委珠事獨不受唐張道原拜大理卿何稠七澄

得罪籍其家屬賜羣臣道原曰禍福何常安可因已之泰利人之否取其子女以為僕妾豈仁者之心皆捨之一無所取更以

衣食遣之

言行錄李浩大理奏結獄上顧輔臣曰棘寺當得剛正如李浩

者為之已而卿闕上曰無易李浩遂除大理卿故事寺獄空上

表賀公獨不奏唐書王志愔見大理官以縱罪為寬恕以守文為苛刻遂上應正論以見志

筆談大理法官皆親節案不得使吏人中書檢正官不置吏人

每房給楷書一人錄淨而已蓋欲士人躬親職事格吏奸蕪歷

試人才也

唐書太宗謂侍臣曰大理之職人命所懸當妙選正人無過戴

胄乃以為少卿胄論刑獄皆無冤濫隨方指摘言如涌泉時有

託資蔭胄牒取調者詔許自首不首當死俄有詐得者胄以法

當流帝怒曰卿賣獄也胄曰法者布大信於民言乃一時喜怒

所發陛下以一朝忿將殺之既知不可而責於法此忍小忍存

大信也若阿念違信臣為陛下惜之帝大感悟

徐有功轉司農少卿皇甫文備誣有功縱逆黨久文備坐事下

獄有功出之或曰彼常誣公於獄公生之何也對曰爾所言者

私忿我所守者公法不可以私害公嘗謂所親曰身為大理人

命所懸必不順旨詭詞以求苟免 鹿城主簿潘好禮慕徐

有功為人論之曰昔稱張釋之為廷尉天下無冤人然釋之當

漢文帝時中外無事守法而已有功居革命之際周興來俊臣

掩義隱賊崇飾惡言以誣盛德有功守死明道身濱殆者數矣

此其賢於釋之明甚或稱有功仁恕過漢于張起居舍盧若虛

曰徐公當雷霆之震而能全仁恕雖千載未見其比

北齊書宋世軌為廷尉少卿時大理正蘇珍之亦以平幹知名

寺中為之語曰決定嫌疑蘇珍之視表見裏宋世軌時人以為

寺中二絕

宋史元豐間大理丞內降公事上下皆曰是詔獄也少卿韓晉

卿獨持平覈實無所觀望上知其才凡獄難明及事係權貴悉

以付國史仁宗時陳大素權大理少卿又判大理寺號為明習法令

漢書張湯與何比干同時為寺正湯持法深而比干務仁恕數

與湯爭所濟活者千數何氏家傳云比干夢貴客車騎滿門覺

以語妻語未已有老姥謂比干曰公有隱德今天賜君策因出

懷中符策狀如簡長九寸凡九百九十枚以授比干子孫佩綬

者當如此自汝陰徙平陵為名族

魏志司馬芝遷大理正有盜官絹置都廁上者吏疑女工收以

行

付獄芝曰刑罪之失失在苛暴今贓物先得而後訊其辭若不勝掠必致誣服之情不可以折獄且簡而易從大人之化也不失有罪庸世之治耳人宥所疑以隆易從之義不亦可乎太祖從其議

南史顧協少清介有志操初為廷尉正冬服單薄寺卿蔡法度欲解褐與之憚其清嚴不敢發口謂人曰我願解身上襦與顧即顧即難衣食者竟不敢以遺之顧榮字彥先以南土秀望遷廷尉正

唐書杜景佺徐有功為司刑丞與來俊臣侯思正同理獄人稱之曰遇徐杜必生遇來侯必死胡元禮自丞遷少卿嘗出一死囚元禮判殺之曰元禮不離刑

漢書宣帝詔曰今遣廷史與郡鞠獄任輕祿薄其為置廷平秩曹此人無活法李日知報曰日知不離刑曹此人無死法竟以兩狀申日知果宜

六百石員四人其務平之以稱朕意於是選于定國為廷尉求

明察寬恕黃霸等以為廷平刑獄號為平矣

兩京雜記吏部銓注拾遺評事赤尉才望清高標格孤秀者署為之俗號三緊官拾遺立緊以其行立在此省之次獻可替否

也評事出緊以其銜恩按覆彈射不法也赤尉坐緊以劇縣決遣權豪畏威也入仕之路歷是三官者時輩共以為榮陳子昂集詳刑

北寺鸚鵡之政無聞禁加天龍職察雲司胡文恭制用進丞於棘路往治讞於竹刑

唐新語杜暹授鄭尉以清節見知華州司馬楊孚公直士也深

賞重之孚遷大理正暹坐公事下法司結罪孚謂人曰若此尉得罪則公清之士何以勸矣特薦之於執政由是擢拜大理評

事

太常寺

類聚太常寺古之秩宗周曰宗伯奉常漢初曰太常惠帝更仍

秦舊景帝中六年復為太常其屬官有太樂太祝太宰太史太

卜太醫均官都水諸廟寢園令長丞晉增置協律校尉梁加寺

字又置總章校尉唐太常寺卿一人少卿二人武后光宅改司

禮寺神龍藏太饗之祭服有四院曰天府藏瑞應及伐國之寶

御衣藏天子祭衣樂懸藏六樂之器神廚藏御廩及諸器宋初太常寺皆以禁林

之長主判而禮院自有判院同判院祥符中別建禮儀院輔臣

主判而兩制為知院梁天監象四時置十二卿太常宗正司農

卿後魏大和初置少卿一人北齊為小宗伯景明初少卿第一

清選明禮樂兼天文陰陽者為之奉常秦官有丞漢多以博

士議郎為之唐因隋太常丞從五品下博士秦官漢叔孫通

為博士定禮制唐初清選從七品資位與補闕同掌撰五禮儀

注按三公三品以上功過善惡為之謚大禮則贊卿導引乘輿

贊相祭祀定誅謚及祥瑞之事元有卿少卿丞博士太祝周建

先六太太祀下大夫二人上士四人掌六祝之辭祈福祥秦奉

禮郎後漢太鴻臚有治禮即後齊鴻臚司協律郎漢武李延年

魏武時杜夔為之晉改太廟署周有守祧之官漢有諸廟令長

協律尉後魏有協律尉太廟署丞宋別置太廟后廟官闈內各

一人以郊社署周祭天地南北郊有典祀中士二人下士四人

諸陵署周冢人下大夫二人中士四人掌公墓之地漢太常屬

馬相如為太樂署周太師掌六律六呂以合陰陽之聲秦漢奉

丞晉元帝并於鼓吹後周有司樂上中士唐武德置內教坊于禁中如意改雲韶府開元置左右教坊開成改仙韶院

國朝置太常寺卿正三品少卿正四品寺丞正六品博士典簿俱正七品之

職焉

會典凡大祀 天地及 朝日 夕月各壇分獻官本寺預取

職名具奏請 旨點定各具手本知會仍揭榜於神樂觀前通

知

凡大祀 天地及祈穀於 上帝時享等祭前期本寺官俱進

祝版及銅人并上殿奏齋戒前期同光祿寺官奏省牲次日同

復命

凡祝版舊例本寺博士官齋沐寫完代填 御名嘉靖八年

上始親填

漢書應邵曰常典也掌典三禮也師古曰太常王者旌旗也畫

日月焉王有大事則建以行禮官主奉持之故曰奉常也後改

為太常尊大之義也楊雄箴母曰我才輕身恃巫東鄰之犧牛不如西鄰之麥魚

高祖滅秦已登尊號群臣飲爭功醉或妄呼拔劍擊柱高祖患

之於是叔孫通進說遂設綿蕪野外習之月餘通曰可試觀上

行禮畢復置法酒無敢譁失禮者高祖曰吾乃今日知為皇

帝之貴也拜通太常惠帝即位廼謂通曰先帝園陵寢廟群臣

莫習徒通為奉常定宗廟儀法及稍定漢諸儀法皆通所論著

也晁錯以文學為太常掌故

武帝以孔臧為太常上欲以為御史大夫辭曰臣世以經學為

業乞為太常典臣家業與從弟侍中安國綱紀古訓

桓榮子郁傳父業亦為太常初榮授朱普學四十萬言多浮辭

省定為十二萬言由是有桓榮君大小太常章句

漢制總群臣而聽曰省分

務而專治曰寺太常藏天子之旂常

東觀漢記周澤字稚都少脩高節耿介特立好學問治嚴氏春

秋門徒數百人隱居上野不汲汲於時俗拜太常果敢直言數

有據爭朝廷嘉其清廉

澤清齋遇疾妻問之以為干齋送獄語曰處世不諧為太常妻一日不齋醉如

泥

華嶠後書劉愷為太常論議常引正大義諸儒為之語曰難經

伉伉劉太常

臧榮緒晉書咸熙五年詔曰華表字偉容清賢履道內貞外順

歷位忠恪言行不玷其以表為太常卿

安帝三年太常臨川王寶啓府舍窄不足移家母鍾年高違離

靡寧乞還第攝事詔聽之

梁陸倕表宗卿清重歷選所難漢晉已降莫非素範辭爵則桓

郁張奮讓封則丁鴻劉愷潘尼之文雅純深華表之從容退嘿

自古迄茲風流繼軌以臣况之曾無等級

六帖居九寺之先冠九列之首崔駰箴翼

翼太常實為宗伯

後周書斛斯徵遷太常卿自魏孝武西遷雅樂廢缺徵博採遺

逸稽諸典故創新改舊方始備焉又樂有罇于者近代絕無此

器或有自蜀得之皆莫之識徵見之曰此罇于也衆弗之信徵

依于寶周禮註以芒筒桴之其聲極振衆乃歎服徵乃取以合

樂焉

北史李元忠嘗為太常卿後自中書令復求為太常以其有音樂而多美酒故神武欲用為僕射文襄言其放達常

醉不可委以臺閣其子聞之請節酒元忠曰我謂作僕射不勝飲酒樂你愛僕射時宜勿飲酒

初學記唐太常表西京置一十二列首冠金吾東漢有三十九人多遷王鉉戴玄冕之七旒驅赤車之千乘太平公主表陪尚省之衣冠厠容臺

樂之禮

白居易制立國之本禮樂為先今之大常蕪掌其事歷代迄今謂之清選

唐書崔郊拜太常卿故事太常卿初上大閱四部樂於官署都人縱觀郊自私第去帽親導母輦公卿見者皆避道都人榮之

崔日知遷太常以歷年久每朝士參集常與尚書同列時人號為尚書裏行纂異日知恨不居八座為太常卿起樓與尚書省相對人謂之崔公望省樓

職畧宋治平脩禮書成百卷名曰太常因革禮初歐陽脩同判太常寺奏禮院文字散失請差官編脩嘉祐張洞奏用姚闢蘇

洵編纂至是成書

魏鄭公嘗以小戴禮綜彙不倫更作類禮一十篇帝美其言錄置內府

筆談陳彭年於禮文尤所詳練常攝太常卿誤行黃道上有司止之彭年正色曰自有典故禮曹畏其該洽不復詰問丁南湖云陳彭年以辭章遭遇天子久居翰林清秘人譽其官銜為一條

冰患得此官而諂附王欽若丁謂人譏其性行為九尾狐

楊傑熙寧太常祠祭總要序宋朝歲祀天地五方帝神州宗廟

大明夜明太社太稷太乙九宮騰蜡為大祀文宣武成風師雨

師先農先蠶五龍為中祀壽星靈星中雷馬祭司寒司中司命

司民司錄為小祀凡太常典禮少府共服器光祿共酒齊黍稷

果實醯醢將作共明水明火太府共香幣太僕共牛羊司農共

豕俎熙寧四年冬詔以諸寺監祠事隸于太常所以肅奉神之

禮也柳宗元監祭使聽記周禮祭僕視祭祀有司百官之戒具誅其不敬者漢以待御史監祠唐開元禮凡太祠若干中



祠若干咸以御史監祠祠官有不如儀者以聞其刻印移書則曰監祭使寶應中尤異其禮更號祠祭使

分紀齊太常少卿袁聿修巡省河南兗州刺史邢劭與聿脩故

舊嘗於省中呼聿脩清郎至是送納為信聿修不受與劭曰瓜

田李下古人所謹劭報書曰昔為清郎今為清卿矣杜牧詩帝命詩書將

壇登禮樂卿

舊唐書元澹景雲中授少卿行冲以系出拓跋恨史無編乃撰

魏典二十篇學者向之有人得銅器似琵琶人莫能辨行冲曰

阮咸所作也雅樂家遂謂之阮咸

張文收善音律太宗將創制禮樂召文收於太常令與少卿祖

孝孫參定雅樂通鑑唐太宗使少卿祖孝孫以樂律授宮中音

脩謹士陛下使教女樂又責謂之天下其以士輕乎

宋史張載字子厚號橫渠先生嘉祐二年登第熙寧二年賜對

除崇文殿校書同知太常禮院

考索後漢諸丞皆掌行禮及祭祀小事總署曹事皆銅印黑綬

晉宋銅印黃綬齊梁黑綬一梁冠介幘皂衣

職林光宅中改太常為司禮天后時李嗣真為司禮丞聞東夷

三曲一遍援胡琴彈之無一聲遺忘

陶氏家傳陶覆之字孫宗為太常丞凡宗廟疑議多所決定時

人為之語曰定禮決疑問陶覆之

南史張憑舉孝廉詣劉真長還船須臾真長遣覓張孝廉船同

旅愕然既同載俱詣撫軍劉真長謂撫軍曰今日為公得一士

大平博士之選既前撫軍與之言咨嗟稱善乃曰張憑勃宰為

理窟卽用爲太常博士

新唐書 呂才爲太常博士帝病陰陽家所傳書多謬僞淺惡世益拘畏命才與宿學老師刑落煩訛掇可用者爲五十三篇合舊書四十七凡百篇詔頒天下才於持議儒而不佞造方域圖續通典崔龜從記曰博士重官也由此選者繼登三事而又竝時同位者相望元和初權德輿李吉甫同在相位長慶中竇易直在中書杜元預提印使西蜀今僕射相公始與鄭肅中與帝琮同居中書余復叨重委因志所聞以遺他日亦以知博士之選爲重焉時令狐絢父楚亦以博士入相時人榮之晏公類要令狐楚曰叔孫通起帝典於桴鼓之中自此以還鴻生碩儒若賈誼董仲舒公孫弘稀不以此進元帝詔丞相御史

明於古今通達國體故爲博士今行能在臣右者知其班末祿寡莫不以博士爲愧臣獨以爲榮詳曲臺之禮法攷庶僚之功

行太常三卿如蒞事博士無參集之禮王彥威淹識古今典禮求爲太常散吏補檢討

官彥威采隋唐禮條次彙分號元和禮上乃拜博士又職林云爲曲臺新禮二十卷又祿元和已來王公士民昏祭喪葬爲續曲臺禮三十卷

太宗實錄和峴字晦之凝之子也授太常博士從祀南郊贊導乘輿進退閑雅太祖謂近侍曰誰氏之子何相禮之明辨乎左右卽以峴閱對尋拜刑部員外郎兼掌太常寺

胡廣陵令箴昔在皇業葬野不薪禮非極哀不樹不封瓦棺聖周虞夏攸增壞不毀瘞奢不害生是謂皇極百王此經故厚不可始皇薄不可王孫乃眷西漢爰矩孝文陵臣司墓敢告守人

徐筠周官考大樂令按周官太司樂中大夫二人而屬于禮官之宗伯古者取士必繇乎學其教之也必先乎樂大司樂學官也掌成均之學政樂非宜鍾鼓而教亦必非佔畢之謂而已自漢以後射策決科之學勝博士弟子員徒以區區之文為黜陟之令雖同領屬于禮官之太常而大司樂不復與聞學政專治樂事所謂樂德樂語非復先王之舊矣

### 光祿寺

翰墨大全漢百官志秦郎中令掌宮掖門戶武帝太初改光祿勳卿一人掌宿衛宮殿門戶與謁署郎更直執戟考德行而進退之至梁時加卿字曰光祿卿除勳字唐光祿寺卿一人少卿一人掌酒醴膳羞之政宋併其職於宣徽院元仍宋舊國初

置宣徽院使正三品後為光祿司卿徐興祖為之最後為光祿

寺從三品有少卿正五品寺丞從六品典簿從七品錄事從八品珍羞署

大官署良醞署掌醞署原始周禮天官膳夫上士二人中士四

及后世子按膳夫即今光祿寺官膳夫乃食官之長自膳夫以下庖人內饗享人等官皆以士為之屬于冢宰漢時置光祿簿

丞秦置太官令即周官膳夫庖人外饗之任各設署正從六品署

丞從七品監事從八品之職分理焉

漢書周文者名仁景帝初為郎中令仁為人陰重不泄常衣弊補溺袴故為不潔清以是得幸入卧內於後宮祕戲仁常在旁終無所言

建元二年郎中令王臧以文學獲罪皇太后以為儒者文多弊少以石建為郎中令事有可言屏人恣言極切至廷見如不能

言者

杜林字伯山從張竦受學博合多聞時稱通儒代郭憲為光祿勳內奉宿衛外總三署周密敬慎選舉稱平

後漢孫堪字子稚為光祿勳以清廉稱與周澤相類澤字稚都

京師號為二稚

揚雄箴經北宮室畫為內外廊殿門闕限以禁闢國有固衛人有藩籬

魏史王肅為光祿勳時有魚集武庫肅辨之曰魚生於泉而見於屋失其所也邊將殆有棄甲之變乎後果有東關之敗

後漢書魯國陳正字叔方為太官令黃門侍郎與正有隙因進

御食以髮貫炙中光武啗炙見髮怒勅斬正正曰臣罪有當死

者三黑山出炭增冶吐炎焦膚爛肉而髮不銷臣罪一也匣出

佩刀匠石砥礪虧肌截骨曾不能斷髮臣罪二也臣朗月書章

奏側光讀經書旦臨御食臣與丞及庖人六日齊視曾不如黃

門兩目臣罪三也詔乃捨黃門而釋正

北史邢科字神虎為光祿少卿母在鄉遇患請假歸遇秋水暴

長河梁破絕科得一小船而渡船漏滿不沒時人異之

宣徽院

類聚唐置宣徽使始以宦者為之宋舊制二使通掌院事元置

宣徽院有左右使同知同簽書判官掌朝會燕享凡殿庭禮數

管閣門橫班諸司

宋史開寶九年以潘美依前山南東道節度使充宣徽北院使

節度領宣徽自此始

至道元年出宣徽北院使樞密院柴禹錫為鎮寧軍節度使太宗謂之曰舊制自宣

徽出不過使朕命委爾節旄亦可謂優恩也

至和元年趙抃言近非次除宣徽使節度使頗為煩數今後文  
臣須會歷中書樞密院任用加之德望為人推服武臣曾經邊  
鄙建立功業者方許除拜兼宣徽使元額只是二員至於使相  
之任體貌尤重更當慎惜

類聚客省使唐開元中始置諸使其後增置宋內定客省使至  
閣門使謂之橫班初以檢校官為之嘉祐二年詔客省引進各  
置使一員副使六員內客省使凡崇政殿受朝則升東階侍立  
掌四方進奉及四夷朝貢牧伯朝覲酒饌饗餼宰相近臣禁衛  
將校節儀諸州進奉使賜物回詔之事引進使掌文武官正辭  
謝國忌賜香諸道章表等事大元因之置客省使副使各一人  
又置引進使副使各一人

唐天祐二年勅東上西上閣門制置各別至於常事則以東上  
居東或大忌進名遂用西閣為便宋橫班有東上閣門使西上  
閣門使凡取稟旨命拱奉乘輿朝會游宴及贊導三公群臣蕃  
國朝見辭謝糾彈失儀之事使副專之政和官制橫班副使之  
名改為大夫而職任則內外官知焉其後所除總名知閣門事  
仍燕客省四方館之職元置東上西上閣門使使副各二人又  
有通事舍人承奉班等員

胡文恭制惟朱華之上閣當太微之法官置副介之名用承諸使

職源唐崔崇禮以節義自將武德中官通事舍人善詞令進止  
觀者皆竦

胡文恭制舊典通事本隸西臺近制建官則領朱閣非善音  
有姿範者不得與選

鴻臚寺

漢百官志典客更名大鴻臚應邵曰郊廟行禮讚九賓鴻臚

傳之也唐置卿少卿丞領典客司儀二署宋為東西上閣門等

職國初置禮儀司正副後為鴻臚寺卿正四品少卿從五品寺丞

從六品主簿從八品又設司儀署司賓署俱正九品鳴贊序班俱從九品之職

馬真宗景德二年置國信司以契丹脩好有慶弔之使乃置國信司專主之領以宦者

初學記鴻臚卿漢官也周禮大行人掌賓客及諸侯朝覲事即

其任也漢官儀秦置典客掌諸侯及歸義蠻夷降者漢亦因之

成帝并入大鴻臚王莽改鴻臚為典樂隋唐改為同文卿光宅初改司賓卿

魏志韓宣明帝時為大鴻臚宣前後當官在能否之間然喜以

已恕人始南陽韓暨以宿德在宣前為大鴻臚及宣在後亦稱

職故鴻臚中為之語曰大鴻臚小鴻臚前後治行相班如

李安世天安初為主客令齊使劉纘來聘安世美容貌善舉止

纘等自相謂曰不有君子其能國乎纘呼安世為典客安世曰

三代不共禮五帝各異樂安得以亡秦之官稱于上國纘曰世

異之號凡有幾也安世曰周謂掌客秦改典客漢朝鴻臚今日

典客君等不欲影響文武而殷勤亡秦

吳錄張儼弱冠知名早歷顯位以博聞多識拜大鴻臚使于晉

吳主孫皓謂儼曰南北通好以君有出境之才故相屈行對曰

皇皇者華臣蒙其榮無古人延譽之美磨鋒淬鏑思不辱命既

至車騎將軍賈充尚書令裴秀侍中荀勗等欲傲以所不知而

不能屈啓事鴻臚朝事前後為之率多不善了今缺當選御史中丞刁攸不審可否

隋書蘇夔字伯尼煬帝方勤遠畧蠻夷朝貢前後相屬帝嘗從容謂宇文述虞世基等曰四夷率服觀禮華夏鴻臚之職須歸令望寧有多才藝美容儀可以接對賓客者為之乎咸以對帝然之即日拜鴻臚少卿王敦為鴻臚卿謂阮修曰卿常無食鴻臚丞差有祿能作否曰亦復可爾論衡昭帝始元六年春以移中監蘇武為典屬國孝明之時讀蘇武傳見武官名曰移中監以問百官百官莫知夫倉頡之章小學之書文字備具至於無能對聖國之問者是皆美命隨牒之人多在官也木旁多文字且不能知其欲及董仲舒之知重常劉子政之知貳負難哉

唐張鷟集既宗三楫之儀爰設九賓之禮周禮太行人小行人制共服端闈統司謁者肅等威於表著之位傳臚命於陛廉之問

### 太僕寺

原始書罔命注太僕者掌王命之官也書穆王命伯冏為大僕正曰昔在文武九侍御

僕從之臣罔非正人為中大夫周禮太僕正掌王之服位出入王之大命掌諸

侯之復逆王胝朝則前正位而退入亦如之其屬有鼓人救日

月則詔王鼓亦大僕所掌秦漢有大僕寺丞梁有大僕主簿唐

初命太僕張萬歲葺其馬政僅得杜牝二千匹自貞觀至麟德

四十年馬七十萬餘匹後世則以典牧馬之政 國初置滁陽

牧監從三品後為大僕卿從三品少卿正四品寺丞正六品主簿從七品

之職焉

漢書夏侯嬰高祖為沛公為太僕常奉車竟高祖世以太僕事惠帝惠帝崩以太僕事高后高后崩代王之來嬰與東牟侯入

清宮以天子駕迎代王共立文帝後為太僕

太僕王出入則自左馭而前

公孫賀字子叔少為騎士從軍數有功武帝初為太僕後八歲

代石慶為丞相子敬聲代為太僕父子並居公卿位

上林賦孫叔奉轡衛

公駮乘注孫叔太僕賀也

東觀記祭彤字次孫建武中徵為太僕從東巡狩過魯坐孔子

講堂顧指子路室謂左右曰此太僕之室太僕吾之禦侮也

續後漢書趙岐初名嘉生於御史臺因字臺卿獻帝時為太僕

及李傕專政使太傅馬日磾撫慰天下以岐為副日磾行至洛

陽表別遣岐宣揚國命所到郡縣百姓皆喜曰今日乃復見使

者車騎

晉諸公贊郭展為太僕留心於養畜是以牧馬充牣其後征吳

得以濟事

唐百官志太僕寺卿凡監牧籍帳歲受而會之上駕部以議考

課

張說牧碑頌天子十二閑為一廐馬二百一十六應乾之莢也

六廐成校五良一駑是之謂小備校有左右閑成十有二合月

之良也駑馬三良馬之數凡三千四百五十六是之謂大備故

春祭馬祖夏祭先牧秋祭馬社冬祭馬步敦其本也日初而出

日中而入焚原燎牧除葦釁廐時其事也潔泉美薦房涼棧溫

剋首面陸交頸相劇宣其性也攻駒教駢講馭減僕刻之剔之

羈之莢之就其才也乾道為良坤元利牝駒從渥水駿發中廐

屈產貴其能鳴鴈門多其美脊豈止宗生異地族絕汧西而已



哉

唐書常弘景論穆宗用劉士經為太僕卿疏伏以司僕正卿位居九列在周之命伯冏其人所以惟月膺名象河稱重漢朝亦以石慶之謹原陳萬年之行潔皆踐斯職謂之犬寮今士經戚里常人班敘散秩以父任將帥家富貲財聲名不在於士林行義無聞於朝野忽掌卿寺有瀆官常

漢書張敬字子高為太僕丞

會典凡分管少卿隆慶三年題准定為三員以一員提督庫藏兼協理京邊二員協理東西二路萬曆九年裁革一員尋復舊少卿勅內兼載寺丞職名遇少卿缺則寺丞暫攝行事事例苑馬寺

原始周禮馬管量三物

一曰戎馬二曰駑馬三曰駑馬校人掌王馬之政辨六

馬之屬

一種馬二戎馬三齊馬四道馬五田馬六駑馬

晉時謂之馬曹亦曰駟馬 國

初都金陵設太僕寺于滁洲後定都于北平又設太僕寺于京

師凡兩淮及江南山東河南每府州縣添設佐貳官一員專管

馬政在外設行太僕寺於山西陝西遼東凡三處苑馬寺亦三

處陝西甘肅各轄六監二十四苑遼東僅一監二苑內地則民

牧以給京師之用外地則官牧以給邊方之用又于川陝立茶

馬司五以茶易番戎之馬亦為邊計也

卿從三品少卿正四品丞正六品監正正七品

周禮凡頒良馬而養乘之乘馬

四匹一師四圉三乘為皂皂一

趣馬三皂為繫繫一馭夫六繫為廐廐一僕夫六廐成校校有

左右駑馬三良馬之數

唐開元時始命王毛仲為內外閑廐使牧養有法

行義補古今馬政漢人牧於民而用於官勸民養馬有一匹者復卒三人邊塞縱民

牧唐人牧於官而給於民府兵制當給馬者官與其直宋始則

牧之官後則畜之民又後則市之戎狄宋馬政蓄於監牧曰官

於邊郡我朝兼用前代之制在內地則散之於民宋人戶馬

之令也在邊地則收之於官唐人監牧之制也而於川陝有茶

馬之設宋人市之於夷也在內有御馬監太僕寺牧地有鄭

類聚漢太僕屬官有大廐未央家馬三令其後置左駿廐令晉

太僕統乘黃驎騮龍馬等廐梁太僕統龍廐內外廐唐改典廐

署令宋初有天廐雍熙改左右驥驥院景德增置群牧使副元

置尚廐局隸殿前司

符寶司

六典周禮地官有掌節春官又有典瑞並其任也漢以來惟旌

節稱節餘皆號符馬寶即璽也秦為符節令丞隸少府後漢令

一人六百石為符郎臺唐武后改為符寶郎元置符寶郎四人

隸殿前國初置信寶提舉司正五品後為尚寶司有卿正五

少卿從五寺丞正六之職焉

漢書霍光初輔幼主政自已出殿中曾有怪羣臣相驚光召尚

符璽郎郎不肯授光光欲奪之郎按劍曰臣頭可得璽不可得

也光甚誼之明日詔增郎秩二等

應邵漢官儀符節令兩梁冠赤幘位次御史中丞領上符璽符

令箴在尊曰璽在卑曰印防不可不審制不可無常如姬竊印晉鄙受殃符臣司節敢告不剛

環濟要畧符節令掌天子璽符及節麾幢有銅虎竹使符中分二人留其半付為信

會典御寶二十四顆 皇帝奉天之寶 皇帝之寶 皇帝行

寶 皇帝信寶 天子之寶 天子行寶 天子信寶 制誥

之寶 勅命之寶 廣運之寶 御前之寶 敬天勤民之寶

表章經史之寶 欽文之璽 冊符出驗四方等 凡誥勅

等合用某寶本司官會尚寶監官于皇極門用 凡諸王將軍

并文武官員誥勅本司官于 御前奏請實用 凡遇慶賀大

禮先期一日本司官于 御前奏請寶捧是日設寶案于中極

殿皇極殿至期本司官二員各捧寶于 御前分行至皇極殿

東西相向立俟 上陞座西立者過東各置寶于案禮畢仍捧

寶分行至中極殿置案上而出其餘司官俱于殿內之東侍立

### 宗正院

考索宗正卿周官也周小宗伯掌三族之別以辨親疎戎王時

彤伯入為宗正秦置宗正掌屬籍漢因之平帝元帝中更名宗

伯五年又於郡國置宗師後漢有宗正卿掌敘錄王國嫡庶之

次宗室親族兩漢皆以皇族為之晉初燕以庶姓梁名春卿位

視列曹尚書唐武德置宗師龍朔改曰司宗光宅改司屬開元

中判宗正官屬皆以皇族為之 自武德以來有以賜姓屬籍宗

正者羅藝徐世勣杜伏威胡大

思或以功或以來降其後則或借屬籍以寵藩鎮李正己之請

附屬籍李晟之編入屬籍張寶臣之賜姓列於屬甚者沙陀首

領亦以功而賜 宋自仁宗景祐三年始置大宗正司以皇兄江

制屬有記室一人掌牋奏講書教授十有二人分位隸授兼領小學之事崇寧元年蔡京請宗室非袒免親以下兩世欲於西京南京遷補每處置敦宗院光宗即位改為睦宗院元置睦親府掌敦睦糾率宗屬欽奉王事有判睦親正事以宗室中屬尊者充又有同判睦親正事同簽睦親正事並以宗室充又置睦親正丞及知事諸睦親將軍副將軍檢法等員 國初置太宗正院改為宗人府有宗人令左右宗人正左右宗人以秦晉燕周齊五王爲之俱正一品後存府以駙馬都尉爲之設經歷司經歷正五品理其務焉

**漢書**劉德字路叔脩黃老術有智畧少時數言時事召見甘泉宮武帝謂之千里駒昭帝初爲宗正丞後爲宗正卿 劉向

字子叔本名更生德子也元帝初太傅蕭望之爲前將軍少傅周堪甚見尊任更生年少于望之堪然二人重之薦更生宗室忠直明經有行爲宗正

**晉書**王覽字玄通孝友恭恪名亞于祥咸寧元年大中大夫詔曰覽少篤至行服仁履義貞素之操長而彌固其以覽爲宗正

卿 山公名事羊祜忠篤寬厚然不長理劇宗正卿缺不審可轉作

六典宗正卿之職掌皇九族六親之屬籍以別昭穆之序紀親

疎之列九廟之子孫繼統爲宗餘曰族

宋史英宗在藩邸凡宗室人材能否皆詳知之頗賢宗惠及卽

位擇宗惠爲同知太宗正事告以選任之意宗惠乃卽所居樂室曰聞義日與學士大夫講肄其間以身倡率宗屬 祥符八年詔建玉牒殿熙寧三年宗正寺言舊制每年裝成仙源積慶圖宗藩慶緒錄供送龍圖天章寶文閣如漢宗正歲上名籍水心集趙不息爲大宗正司時歲大旱一日進九劄子上卽施行退而焚其檢上知其忠親信之謂皇太子及嗣濮王等曰此賢宗室也知太宗正事始置自訟齋請賜書使宗室有過者讀焉奏修學宮添弟子員訓勉宗室先教養後法戒薦其秀傑者數十人多至通顯所論天下事尤多

四朝國史元豐七年以宗景知大宗正事先是宗景父允弼宗司久故神宗復選而用之使諭其母先王久司宗正德及皇族今命而子繼之夫人宜多慰也

金州別集 國朝令典親王子曰世子禮服視郡王郡王子曰長子禮服視鎮國將軍正統間定親王長孫授以世孫一品冠服郡王長孫授以長孫二品冠服

大明會典王國禮 皇明祖訓親王授以金冊金寶親王嫡長子年及十歲朝廷授以金冊金寶立爲王世子如或以庶奪嫡輕則降爲庶人重則流竄遠方如王年三十正妃未有嫡子其庶子止爲郡王待王與正妃五十無嫡始立庶長子爲王世子親王嫡子及庶子年至十歲皆封郡王授以鍍金銀冊銀印子孫未封者稱王子王孫言語皆稱裔旨凡王世子承襲王封朝廷遣人行冊命之禮授以金冊傳用金寶凡王世子并郡王娶

妃及郡王受封并郡王嫡長襲封者當先上聞朝廷遣人止行  
開命之禮洪武二十五年奏定王妃以下有所出者稱夫人凡

賀箋表皇太子親王於天子前自稱曰長子某第幾子某王某稱天子曰父皇陛下稱皇后曰母后殿下若孫則稱曰長孫某封某第幾孫某封某曰祖父皇帝陛下尊母殿下若天子之弟則稱第幾弟某封某曰大兄皇帝陛下尊嫂皇后殿下若封王者其分居伯叔及伯叔祖之尊則自稱曰某封臣某曰皇帝陛下曰皇后殿下若從孫再從孫自稱曰從孫某封某再從孫某封某曰伯祖叔祖皇皇帝陛下曰伯祖母叔祖母皇后殿下

睦親正丞神宗熙寧三年置丞三員以異姓朝臣充都官員外

郎張稚圭知丞事光祿寺丞李德初同知丞事神宗疑用異姓

王安石言前代宗正固有用庶姓時乃錄春秋時公族大夫事

神宗曰此雖無前代故事行之何害安石曰聖人創法不必盡

循前代所已行者於是召稚圭對面命之元豐五年詔大宗正

丞中書省奏差以文臣京朝官知元置丞三人舊制也

言行錄田晝字承君人物雄偉議論慷慨俱有前車之風入為

大宗正丞宰相魯布欲收置門下不能屈

知大宗丞謝伋上宗室五事曰舉賢才以強本文更法制以除

煩苛擇官師以專訓導繼封爵以謹傳襲修圖牒以辨疎親詔

內外從官各舉宗室一人始立法大嚴學官久闕襲封之典遂

廢宗正有寺無官故伋言之

國子監

類聚虞帝曰變命汝典樂教胄子周師氏以三德三行教國子

凡國之貴遊子弟學焉保氏養國子以道教之以六藝六儀成

王時彤伯入為祭酒戰國時荀卿年五十始來學於齊襄王時

最為老師齊尚脩列大夫之闕而三為祭酒漢吳王濞年老不朝為劉氏祭酒漢又置博士東漢置博士十四人而聰明有威重者一人為祭酒謂之博士祭酒晉武帝置祭酒一人永嘉中又置儒林祭酒一人以杜夷為之總統學中眾事宋明帝置總明觀祭酒一人齊梁號為國師唐祭酒為大司成領六學國子太學四門律學書學算學皆以儒學優重者為之胡廣曰凡官位之元長古者實得主人饌則老者一人舉酒以祭地周禮樂正司業父師司成隋大業三年於國子監初置司業一人宋有同判監事同管勾監事唐一人掌判監事宋景祐三年孫祖德請於直講京官內差一員充監丞六國時有博士掌通古今漢多至數十人武帝初置五經博士宣帝時及成帝五經家法稍增置博士一人博士

選有三科高第為尚書次為刺史其不通政事以久次補議佐

太傅元始四年改博士為博士師晉武帝初立國子學置助

教十五人官品視南臺御史服同博士國朝置祭酒從四品其

僚有司業正六品繩愆廳監丞正七品典簿典籍從八品五經博士從八品

率性堂修道堂誠心堂正義堂崇志堂廣業堂並設助教從八品

品學正正九品學錄從九品馬

漢書張安世薦蘇武明習故事奉使不辱命宣帝以武節著名

臣令朝朔望號稱祭酒甚優寵之

傅暢諸公讚裴頌為國子祭酒奏立國子太學開講堂築門闕

刻石寫五經陳書周弘正陳宣帝時為祭酒卒詔曰弘正詞林義府國老良宗道朕庠門望高禮閣卒殂殞朕用

然側

晉書杜夷字行齊世以儒學稱元帝謂丞相王敦曰今大義類替禮典無宗朝廷滯義莫能攸正宜特立儒林祭酒官以弘其事處士杜夷棲情遺遠確然絕俗才學精博道行優備其以夷為祭酒皇太子三至夷第執經問義

南史張緒字思曼清簡寡欲建元元年立國學以緒為太常卿領國子祭酒以王延之代緒為中書令何點歎曰晉以子敬季琰為此職今以王延之張緒為之可謂清官後接之者實為未易

何胤字子季為國子祭酒與太子中庶子王瑩並為侍中時胤單作祭酒疑所服陸澄博古多該亦不能據遂以玄服臨試爾後詳議乃用朱服祭酒朱服自此始也

周書盧誕本名恭祖拜給事黃門侍郎魏帝詔曰經師易求人師難得朕諸兒稍長欲命卿為師於是親幸晉王第勅晉王以下皆拜之於帝前因賜名曰誕又以誕儒宗學府為當世所推乃拜國子祭酒

王承字安期為國子祭酒承祖儵父暕並居此職三代為國師

前代未有國朝閩縣林瀚子廷機孫爍三世皆翰林祭酒

唐書太宗以孔穎達在東宮數有匡諫拜國子祭酒仍侍講東宮太宗幸國學觀釋奠命穎達講孝經既畢達上釋奠頌手詔褒美先是與顏師古等諸儒受詔撰定五經正義

趙弘智篤孝通書傳父事兄弘安永徽初為陳王師講孝經百福殿諸儒更詰辨隨問酬悉古無留語進國子祭酒弘安亦終



祭酒

賀德仁與從兄德基俱國學以文詞稱語曰學行可師賀德基文質斌斌賀德仁

李翱撰行狀韓愈拜國子祭酒奏儒生爲學官日使會講生徒奔走聽聞皆相喜曰韓公來爲祭酒國子監不寂寞矣

孔郊元和中改國子祭酒嶺南節度使崔詠卒三軍請帥宰相奏擬皆不稱旨因入對上謂裴度曰嘗有疏論南海進蚶菜者詞甚中正此人何在抑求之度出訪或曰祭酒孔郊嘗論此事度徵疏進之卽授嶺南節度使

劉克章爲國子祭酒建言群臣輸光學錢治庠序宰相五萬節度四萬刺史一萬詔可

鄭覃故相珣瑜之子以宰相兼判國子祭酒奏太學置五經博士各一人緣無職田請依王府官例賜祿粟從之又進石壁九

經一百六十卷

李嶠讓成均祭酒表排金門而上玉堂步駕閣而遊鸞沼袍交離之沉疴曠密勿之繁機分辭榮於瑣闥仍藉寵於環林顧非席上之珍敢辱溝中之賞况東序蟻學稱爲教化之宮西膠虎門實應文章之宿論姬孔之制度談夏商之損益方期遺典隆業有可發明豈伊曲學謏聞所堪尸忝

唐國子舞賦天子斂賢才之地合禮樂之府命宗伯因四時之宜教胃子以六代之舞惟德是務以和爲主翕左手以執籥就前軒以樹羽方將發揮五禮張皇六詩忽投步而赴節乍整容而自持雖鏘鏘與濟濟必庸庸以祗祗

言行錄楊龜山先生時字中立兼國子祭酒先是吳敏乞用時

以靖太學時得召對即為上言諸生伏闕紛紛欲忠於朝廷耳本無他意但擇老成有行誼者為之長貳即定矣上喜曰此無逾卿者乃亟命時時入太學召諸生慰勞焉

隋志凡六學生每歲有業成上于監者以其業與祭酒司業試之

唐書孔穎達字仲達以太子右庶子兼司業子志終司業志子惠元力學寡言又為司業三世司業時人美之

陽城為國子司業引諸生告之曰凡學者所以學為忠與孝也諸生有久不省親者乎明日還養者二十輩有三年不歸侍者斥之簡孝秀德行升堂上沈酗不率教者罷之生徒斤斤皆有法度

張參為國子司業年老嘗手寫九經以為讀書不如寫書

張燕公集國子監丞東朝束帶銀榜增華西序影纓環林益潤

設屬成均參釐政令庶事之務惟丞是司

漢書伏生濟南人也故為秦博士秦時禁書伏生壁藏之

賈誼年少頗通諸家之書文帝召以為博士時年二十餘最為

少每詔令議下諸老先生未能言誼盡為之對人人各如其意

所出

漢舊儀武帝初置學士取學通行修曉古今爾雅能屬文章者為之朝賀位次中都官吏稱先生不得言居其弟子

稱門人

文帝時申公為詩最精以博士申公為詩傳號曰魯詩

韓嬰燕人也孝文時為博士景帝時為常山王大傳嬰推詩人

之意而作外傳數萬言其語頗與齊魯間殊然其歸一也而燕

趙間言詩者由韓生

孟卿東海人也事蕭奮以禮授后倉魯閭丘卿倉說禮數自言號曰后氏曲臺記授沛聞人通漢子方梁戴德延君戴聖次君沛慶普孝君德號大戴為信都大傳聖號小戴以博士論石渠由是禮有大戴小戴慶氏之學

孔子之後孔順生鮒為陳涉博士鮒弟子襄為孝惠博士襄生忠忠生武及安國安國生延年皆以治尚書為武帝博士延年生霸亦治尚書事太傅夏侯勝昭帝末年為博士霸生光經學尤明成帝初即位舉為博士官至丞相

後漢書光武中興愛好經術先訪儒雅自是衛宏桓榮之徒繼踵而集於是立五經博士各以家法教授成帝詔儒林之官四海淵源宜皆明於古

今通達

國體

翟酺字子超為大匠時上言孝文皇帝始置五經博士武帝大合天下之書而孝宣論六經於石渠學者滋盛弟子萬數光武初興愍其荒廢起太學博士舍內外講堂諸生橫卷為海內所集

董鈞字文伯博通古今數言政事永平中為博士時草創五郊祭祀及宗廟禮樂威儀章服輒令鈞參議多見從用當世稱為通儒光武召桓榮說尚書甚善之每朝會敷奏經書曰得生幾晚

東觀記歐陽歛其先伯和從伏生受尚書至于歛八世皆為博士敦於經學恭儉好禮後以減罪下獄平原禮震年十七上書求代歛死曰伏見臣師歐陽歛學為儒宗八世博士而以減罪

當伏重辜上令陛下獲殺賢之譏下使學者喪師資之益乞殺身以代歛死

安帝覽政薄於藝文博士倚席不講朋徒相視怠散學舍頽敝鞠爲園蔬牧兒莠豎至於薪刈其下

隋書開皇初徵山東義學之士馬光與張仲讓孔籠竇仕榮張買奴劉祖仁等俱至並授太學博士時人號爲六儒

唐書徐文遠方正純厚有儒者風竇威楊玄感李家皆從其受學開皇中遷太學博士大業初禮部侍郎許善心舉文遠與包愷褚徽陸德明魯達爲學官遂擢授文遠國子博士愷等並爲太學博士時人稱文遠之左氏褚徽之禮魯達之詩陸德明之易皆爲一時之最

南史何佟之字士威仕齊初爲國子助教爲諸生講喪服結草爲經屈手中爲冠諸生有未曉者委曲誘誨都下稱其醇儒沈峻字士嵩好學晝夜自課睡則以杖自擊遂博通五經充長三禮爲燕國子監助教

宋史至道元年布衣潘閻對於崇政殿賜進士及第授國子四門助教閻賣藥京師好交結上左右有言其能詩者因召見而有是命未幾復追還詔書

類聚魏太學置五經課試之法置春秋穀梁博士東晉增置國子博士十六人謂之太學博士宋元豐三年詔改國子監直講爲太學博士每經二人後魏置太學助教八品後周置太學助教上士六人宋置四門助教

宋書邢惇以布衣召對真宗東封還雍丘問以治道惇曰陛下東封西祀皆已畢矣臣復何言上悅除四門助教

唐書鄭虔玄宗愛其才為置廣文館以虔為博士虔不知廣文曹司何在訖於宰相宰相曰上置廣文館以居賢者今後世言廣文博士自君始不亦美乎虔乃就職

行人司

原始周禮大行人掌大賓之禮及大客之儀以親諸侯春朝諸侯而圖天下之事秋覲以比邦國之功夏宗以陳天下之謨冬遇以協諸侯之慮時會以發四方之禁殷同以施天下之政時聘以結諸侯之好殷頹以除邦國之慝間問以諭諸侯之志歸賑以交諸侯之福慶賀以贊諸侯之喜致禮以補諸侯之歲朝

魏宗遇會同六者諸侯之覲于王者也間問歸賑賀慶致禮四者天子致愛于諸侯者也以九儀辨諸侯之命等諸侯之爵以同邦國之禮待其賓客小行人掌謚號之職邦國賓客之禮籍以待四方之使者達天下之侯節山國用虎節士國人節澤國龍節以金為之道路旌節門關符節都鄙管節以竹為之國

朝置行人司有司正

正七品

左右副

從七品

行人

正八品

之職焉

左傳穆叔如晉報知武子之聘也晉侯享之金奏肆夏之三不拜工歌文王之三又不拜歌鹿鳴之二三拜韓獻子使行人子員問之曰吾子舍其大而重拜其細何禮也對曰三夏天子所以享元侯也使臣弗敢與聞文王兩君相見之樂也臣不敢及鹿鳴君所以嘉寡君也敢不拜嘉四牡君所以勞使臣也敢不

重拜皇皇者華君教使臣曰必諏於周臣聞之訪問於善為咨  
咨親為詢咨禮為度咨事為諏咨難為謀臣獲五善敢不重拜  
北宮文子相衛襄公以如楚過鄭印段廷勞于裴林如聘禮而  
以勞辭文子入聘子羽為行人馮簡子與子大叔逆客事畢而  
出言於衛侯曰鄭有禮其數世之福也其無大國之討乎  
憲章錄洪武二十七年以先是所任行人多孝廉人材上以其  
將命四方往往不稱使指至是始命以進士為之凡齋捧詔赦  
奉使外夷論勞賞賜祭祀徵聘賢才賑濟饑荒整點軍馬等則  
遣之餘非奉旨諸司不得擅差行人之任重矣  
洪武二十三年詔考定使節之制禮部奏漢光武時節以竹為  
之柄長八尺其旄三重今約漢節長三尺旄牛尾三重

京尹

考密周成王命君陳尹東郊秦分天下為三十六郡京師為內  
史漢因之景帝分左右內史武帝置京兆尹右扶風左馮翊三  
輔後漢都洛為河南尹唐初置牧開元復為尹五代都汴為開  
封尹宋朝牧尹不常置太宗真宗皆常尹京

尹以親王為之號判南衙凡命知府必帶權字以翰林學士為之及雜學士若侍制則掌尹正畿甸

權發遣而已所選皆人望蓋四方取則之地也中都之獄訟皆受而聽馬中興駐蹕杭州改為臨安府守臣帶  
浙西安撫多卿監從臣燕紹興三年詔臨安府有奏稟事許不

時上殿乾道七年皇太子領臨安府尹就東京為解廢臨安府

通判簽判職官置少尹判官推官元置上路達魯花赤上路總

管兼府尹 國朝置順天應天府尹正三品 府丞正四品 治中正五品

通判品從六之職下有經歷品從七知事品從八照磨品從九

檢校之職焉

會典凡每月朔日早朝府尹 面奏老人坊廂長聽宣諭承

旨出至承天門外傳 旨宣諭

凡每歲立春先一日本府迎春於東直門外至日 上御皇極

殿府尹進春次謁 東宮進春皆如儀

凡親耕藉田 上乘耒行三推禮府尹捧青箱隨播種于後

凡每三年鄉試本府奏請翰林院官為考試官先一日府丞與

考試官及各執事官早朝 面辭入院三場題目皆府尹 面

進事畢府尹與考試等官 面見捧鄉試錄進

通典唐京兆尹總理眾務皆曰尹南朝曰丹陽尹後魏初曰代

尹東魏曰魏尹齊曰清都尹

四朝志崇寧二年蔡京乞罷權知府置牧尹各一員專總管事

牧以皇子領尹以文臣充

通典京兆少尹魏晉以來治中之任隋文帝改為司馬煬帝又

改為贊治後又改為丞武德初復為治中永徽元年以太皇諱

改為司馬開元元年並改為少尹張平叔制故事內史缺未補

間亞尹得行大京兆事試可而即真者往往有之上孟少尹制雖有忠賢委

為尹正承而裁之實資亞理

唐書郭行餘擢京兆少尹嘗值尹劉栖楚不肯避栖楚捕導從

繫之自言宰相裴度頗為諭止行餘移書曰京兆府漢時有尹

有都尉有丞皆詔自除後循而不改開元時諸王為牧故尹為

長史司馬即都尉丞耳今尹總牧務少尹副馬未聞道路間有  
下車望塵避者故事猶在栖楚不得答其著名者詳一統志  
名宦款府州縣亦然

留守

類聚漢和帝南巡張禹以太尉兼衛尉留守隋大業九年代王  
侑留守西京唐太宗正觀十七年親征遼東置京城留守以房  
玄齡充蕭瑀為副宋朝天子巡狩親征則命親王或大臣總留  
守事建隆元年親征澤潞以樞密使吳延祚為東京留守其西  
南北留守各一人以知府事兼之留守司掌官鑰及京城守衛  
脩葺彈壓之事畿內錢穀兵民之政建炎初京城有副留守  
唐書房玄齡為相會伐遼留守京師詔曰公當蕭何之任朕無  
西顧之憂凡糧械飛輪行留悉裁總之

唐職林 郭子儀為京城留守自變生倉卒賴儀復安帝曰子儀

固社稷臣因勞曰用卿晚故至此乃賜鐵券圖形凌煙閣

白居易裴令公詩寵重移宮鑰恩新換闔苑保釐東宅靜守護

北門牢豹尾交牙戟虬髯捧珮刀通天白犀帶照地玉麟袍

劉禹錫送裴司徒守太原詩星使出關東兵符賜上公山河歸

舊國管籥煥離宮行色旌旗動軍聲鼓角雄愛棠餘故吏騎竹

見新童漢壘三秋靜胡沙萬里空其如天下望旦夕詠清風

司隸校尉

通典司隸周官也掌五隸之法辨其物而掌其政令帥其民而

捕盜賊 漢武帝征和四年初置司隸校尉持節從中都官徒

千二百人捕巫蠱督大姦猾後罷其兵察三輔三河弘農哀帝



除校尉字後漢復為司隸校尉所部河南尹河內右扶風左馮翊京兆尹河東弘農凡七郡治河南洛陽無所不糾唯不察三公廷議處九卿上朝賀處公卿下凡司隸屬官有從事史十二人其都官從事史最為雄劇主糾百官之犯法者

列異記鮑宣子永孫昱俱為司隸乘驄馬京師歌之曰鮑氏驄  
三入司隸再入公馬雖瘦行步工

司天臺

類聚少昊時鳳鳥氏為歷正唐堯命羲和三代各有太史秦漢以來太史之任兼成周太史馮相保章三職宋有日觀即司天臺也隋秘書省太史曹煬帝改曹為監唐因之武德改為太史局掌占天文及風雲氣候及祥異之事日具所占以聞歲歲頒

曆則造進御覽祭祀昏冠喪葬則擇所用日政和因仍無所改其別局天文院鍾鼓院測驗渾儀刻漏所印曆所皆主占驗曆法大元置司天臺有監令少監判官教授等員所掌亦同國初置太始院使後改院為監又為司天監定為欽天監正五有

監副正六 春夏秋冬中五官正俱從六品 五官靈臺郎從七品 主簿保

章正俱正八品 五官挈壺正從八品 五官監候司曆正九品 之職焉

齊國書崔杼者亦稱太史則太史又似掌注記者蓋方是時學者通知天人而卜與廢者亦不純用著龜太史伯以祝融之功

而推楚國之必興太史趙以虞舜之德而占陳氏之未亡其論

議證據有絕人者故陰陽注記得燕掌之漢司馬談父子為太

史令以論著為已任而又掌天官則兼掌之效于茲可見魏晉

之際始署著作郎自是太史之職分而為二孔明之時未也按後主景輝元年史官奏景星見於是大赦改元而曰蜀不置史安矣

司農卿

類聚少皞氏以九扈為九農正舜命棄為后稷播時百穀周禮

有太府掌九賦九貢秦為治粟內史掌九穀六畜之供膳羞者

凡郡國諸倉農監都水六十五官皆屬焉通典云屬官有大小均輸平準都內籍田

五令平帝改曰義和以劉歆為之又改為納言後漢為大司農

梁置十二卿以署為寺官為春卿唐有司農卿龍朔改為司稼

咸亨復卿掌邦國倉儲委積之事總上林太倉鈞宋司農寺二

人以兩制或朝官以上充元置大司農司有卿少丞等員國

初置司農卿正三品楊思為之後入戶部止置上林苑監正五

品左右副正六左右監丞典署俱正七品署丞正八品典簿錄事俱正九品

領蕃育林衡典牧嘉蔬四署焉

漢書宣帝時北海太守朱邑以治行第一為大司農居處節儉

張敞與書曰足下以清明之德掌周稷之業

唐元稹裴武制非牟融之循理康成之儒學不在茲選牟融為大司農

性明達稱為名卿漢宗儒學選正鄭玄注以公車徵為大司農後漢鄭眾為司農以清正稱

宋張維司農寺壁記漢置九卿大司農其一也魏稍損益之始

置度支尚書掌軍國支計而大司農之職分矣其屬有度支左

戶右戶倉部金部隋更左右戶曰戶部唐因之至中葉國用不

足始置鹽鐵使繼又置度支使未幾罷使名而以戶部侍郎判

度支兼諸道租庸鹽鐵使歷五代以戶部度支鹽鐵為三司或以宰臣分判三司國朝則置左右計使總計使既又罷之三司使如初元豐官制行三司并入戶部唯常平免役新法與夫農田水利則隸司農實退錄北史盧勇傳山西霜儉運山東租輸蠲租故事白樂天詩九月霜降秋早寒禾穗未熟皆青乾此明證也

### 太府監

**類聚**周官太府下大夫秦漢以下不置然其職在司農少府至梁天監置夏卿煬帝分太府寺為少府監管尚方織染等署但管京都市及平準左右藏唐因之掌財貨廩藏貿易總京師四市左右藏常平七署龍朔改太府為外府正卿咸亨復光宅改為司府宋太府寺判寺事以兩制或帶職朝官充元豐改制掌

財貨出納貿易之事凡貢賦之輸于京師者至則別而受之供君之用及待邊費則歸於內藏供國之用及待經費則歸于左藏元改寺為監置監正少監丞管轄左右藏諸倉坊等署行義補周禮一書理財之法居多其制用之柄則付之大臣有

太宰以制其出有司徒以制其入而其官屬之置於太宰者為

允詳焉太宰以九職任萬民自三農生九穀園圃毓草木至臣妾聚斂疏材開民轉移執事任民之稅也以九賦斂財

均節財用自祭祀賓客至匪頒好用之式未見理財先見節財

矣有職內以會其入掌邦之賦入辨其財用有職歲以會其出

掌邦國之賦出以貳官府都有職幣以會其餘掌振事者之餘

出凡邦之會事而其大要則總之以司會掌百用財物在書契

計而掌之以司書為司會之貳掌其版圖而周其所以參校鈎

稽之日有日要月有月成歲有歲會若夫司徒之屬則有所謂  
泉府廩人舍人倉人者焉或以分其財守或以馭其財用固君  
臣經國要務也

類聚太倉周司徒屬官有廩人倉人則其職也秦漢大司農屬  
官太倉令丞各一人文帝時淳于意為之後漢秩六百石後周  
有司倉下大夫宋豐儲倉掌九穀廩藏之事以給官兵祿食之  
用 國朝有大倉錢穀則屬戶部焉

神農始作市周地官有司市其屬有質人鄽人胥師質師司暴  
司稽四長蓋諸市官也漢改秦內史為京兆尹屬官有長安市  
長丞後漢河南尹屬官有雒陽市長丞東晉隸丹陽尹梁始隸  
太府隋司農寺統京市令煬帝改隸太府唐因之京置東西南

三市宋新實務舊曰市買司太平興國改紹興六年詔雜買務  
雜賣場置提轄官一員

周禮司市掌市之治教政刑量度以陳肆辨物列物於肆而平  
市以政令禁物靡而均市物之侈靡者易售禁以度量成賈而

徵價音育買也以質劑結信而止訟以人證以書約以刑罰禁毆而去盜以

泉府同貨而歛賒貨不售者官為歛之民無貨者官為賒之大市日廼音例日過中而市

百姓為主交易衆多故朝市日出朝時而市商賈為主家於市故朝時

在夕市日入時細民之販以日餘力夕時而市販夫販婦為主

漢書置平準官籠天下之鹽鐵於京師

少府監

考索少昊氏五雉為五工正唐虞共工周官考工皆其職也秦

有將作少府掌治宮室又別有少府掌山海池澤之稅以給共  
養漢因之將作少府則掌山澤陂池之稅實爲二官景帝中改  
將作少府爲將作大匠世祖中興以謁者領其官章帝建初又  
置少府卿一人掌中服御諸物衣服寶貨珍膳之屬統上方畫  
家織室等令晉少府亦爲列卿統材官校尉中左右三尚方甄  
官等令後周有匠師中大夫又有司木中大夫唐武德分將作  
爲少府監龍朔改內府監光宅改尚方監開元初分甲鎧弓弩  
別置軍器監宋少府將作各置監少建炎始并歸工部紹興復  
置將作監併歸文思院元省將作監止置少府監少監各一人  
丞二人掌邦國百工營造之事管轄文思尚方圖書裁造文繡  
織染甄官七署

唐書尹思貞爲將作大匠僕射竇懷貞護作金仙玉真觀廣調  
工匠思貞數有損節懷貞讓之答曰公輔臣也不能宣贊王化  
而土木是興又聽小人譖以延辱士今不可事公矣乃拂衣去  
類聚文思署太平興國三年置掌造金銀犀玉工巧之物金絲  
繪素裝鈿之飾以供輦冊寶法物及凡器服之用隸少府監  
熙寧三年詔文思院兩界監官立定文臣一員武臣一員元置  
令丞隸少府監八國朝工部屬有文思院使正八副品以理  
興作焉

尚方署秦漢少府屬官有尚方令丞後漢一人其後分爲中左  
右梁置左中右三尚方唐中署掌供內營造雜作左署掌造車  
輦工扇弓箭弩戟器仗等右署掌造甲冑裝刀斧鉞等

後漢書宦者蔡倫為尚方令監作秘劍及諸品械莫不精工堅密為後世法

織染署周禮九嬪職婦化理絲枲考工記理絲麻而成之謂之婦功漢初少府屬官有東織西織成帝省東織更西織為織室後周有司織下大夫隋煬帝置司織署令丞後并為織染署

唐六典掌供天子皇太子及群臣之冠冕辨其制度而供其織務凡織紵之作有十組綬之作五紬線之作四練染之作六凡染大抵以草木而成有以花葉有以莖寔有以根皮出其方土採以時月皆率其屬而脩其職焉

甄官署周禮博埴之王二謂陶與甄也後漢將作大匠屬官有前後中甄官令丞晉少府領之宋齊有東西陶官凡署督令各

一人

軍器監

類聚後周武帝四年置軍器監隋少府統鎧甲弓弩等局唐武德有武器監掌兵仗廐牧宋初軍器領於三司曹叅元豐分案五掌造軍器及什物之事元置監少監 國朝設有盛甲廠器皿廠臺基廠分屬戶工二部焉

西京賦森森羽衛鶴膝皎而含霜凜凜旌麾犀渠光而奪日萬人強弩動黃間而連機百辟神刀輝丹霞而吐鏑

唐張鷟集三屬之甲自合堅牢九石之弓固宜良勁又蘭錡分

司武庫是藏兵之處

受兵曰蘭 受甲曰錡

宋史熙寧三年置軍器監以兩制二人領焉遺著作佐郎朱伯

虎等齎精利軍器付遂州為式製造六年以呂惠卿曾孝寬充判監制度皆著為式

都水監

類聚周官川衡之職漢成帝以都水官多置左右使者各一人劉向護左都水使者至哀帝罷又有都船丞輯濯丞晉置都水臺使者唐改為都水署隸將作龍朔改司津監丞元置都水監掌川澤津梁舟楫河渠之事街道司隸焉有監少監有丞掾街道司有管勾官

六典古山林之官曰衡掌諸池苑故稱水衡應邵云主都水及上林苑故曰水衡張晏云令掌公私舟船及運漕之市丞為之貳諸州運至京都者則經其往來理其隱失使監漕監之

事起 讚陳勰有巧思遷都水使者楊伶期洛陽記云千金堤

太醫院

類聚周有醫師上士下士秦少府屬官有大醫令丞後漢有藥丞一人梁隸門下省後魏有太醫博士助教隋煬帝置醫監醫正宋熙寧置太醫局元置太醫院 國初置醫藥提舉司改太醫監後改太醫院院使 正五品 院判 正六品 御醫 正八品 吏目府州縣並設醫學焉

周禮疾醫掌萬民之疾病四時皆有癘疾以五味五穀五藥養其病以五氣五聲五色 眡其生死瘍醫凡療瘍以五毒攻之以五氣養之以五藥療之 疾醫今之內科 瘍醫今之外科

崔寔太醫箴動不肆勤靜不宴逸有疾歸天醫無能恤太上防疾其次萌芽賸理不蠲骨髓柰何

唐柳公權心正筆正之對穆宗知以筆諫公綽太醫箴曰氣行無間隙不在大憲宗曰卿愛朕深蓋以醫諫也

宋史御藥院主管四人以入內內侍充掌按驗方書修合藥劑

以待進御及供奉禁中之用凡藥必品嘗而後進大祭祀朝會

燕享行幸則扶持左右饋進膳羞亦如之凡遷轉之序初除聽

喚以進左右也自聽喚中選任上管龍圖天章閣長次遷管後

苑次遷管內東門謂之門司次遷御藥謂之藥局自此為侍從

由御藥擢押班即除昭宣使

周禮有食醫掌和王之六食六飲六膳百羞百醬八珍之齊

會典凡本院院使院判御醫日於內府御藥房分兩班輪直供

事嘉靖年改建聖濟殿于文華殿後設御藥庫本院官分班輪直

凡收受四方進貢及儲蓄 上用藥品俱內府收 凡供

用藥餌國初令醫官就內局修製本院診視 御脉御醫參看

校同內臣就內局合藥將藥帖連名封記具本開寫本方藥性

治證之法於日用之下醫官內臣書名以進置簿曆用中書省

印合縫進藥奏本既具隨即附簿年月下書名內臣收掌以憑

稽考

兵馬司

濡削選童兵馬司古無其名宋祥符初置京新城外八廂真宗

以都門外居民林總不無相競競則獄訟繁興祇以赤縣尉理

之得無滯事乎乃特置廂吏命京府統之天禧間增置九廂熙

寧間詔以京縣官曾歷通判知縣者四人分治京城四廂前是



所差臣竝罷民小有鬪訟事徑決遣蓋以知鬪封韓維之請也  
中興臨安府依開封例於城外南北廂置主管公事近又於城  
內左右廂添置官二員分減在城詞訟其後罷在城左右二廂  
廂官二員移往城之南北蓋從侍御史周方崇之請也元亦置  
左右廂有廂官受給官祇應司令丞直長

國初置兵馬指揮使司設都指揮副都指揮知事後改兵馬指  
揮司爲正四品衙門設指揮使副指揮知事各門役兵馬洪武  
十年定正六品衙門設指揮副指揮職掌京城巡捕等事革知  
事後定設五城兵馬指揮司惟中城止稱中兵馬指揮司俱添  
設吏目今每司設指揮一員正六品副指揮五員正七品吏目一員  
未入流凡京城該管地方街道坍塌溝渠壅塞及皇城周圍坍塌

損工部都水司行委分管填墊疏通 凡地方或有盜賊生發  
即督領弓兵火甲人等擒捕 凡官民房舍火起不分地方各  
司督領弓兵火甲人等俱持器棋救火 凡巡城御史批發囚  
犯該司取供送法司擬罪發落 凡刑部都察院照勘提人檢  
屍追贓分委該司承行 凡軍民人等在於街市鬪毆及姦淫  
賭博撒潑搶奪一應不務生理之徒俱許擒拏 凡選妃禮部  
儀制司行各司選該管地方良家女子送諸王館備選隆慶年議准以  
科目出身有司年壯有志行者陞除兵馬指揮其  
遷轉視京知縣聽巡城御史考察每年終各一次

### 錦衣衛

濡削選章錦衣古無其名漢書中尉奏官掌徼循京師有兩丞  
候司馬千人武帝大初元年更名執金吾屬官有中壘寺五武

庫都船四令丞又一說漢書衛尉秦官掌官門衛屯兵有丞景  
 帝初更名中大夫至後元年復為衛尉屬官有公車司馬衛士  
 旅賁三令丞 國初設拱衛司領校尉隸都督府洪武二年定  
 為親軍都尉府統中左右前後五衛軍士而儀鑾司隸馬十五  
 手罷府及司置錦衣衛統軍與諸衛同所屬有南北鎮撫司十  
 四所所隸又有將軍力士校尉人等其職掌直 駕侍衛巡察  
 捕緝等事恩功寄祿無常員恒以都指揮都督統之永樂定都  
 後照例開設雖職事仍舊而任遇漸加視諸衛獨重焉 凡  
 聖節 正旦冬至三大朝會朔望日及每日常朝 郊祀等  
 項 車駕出入該設鹵簿儀仗俱本衛提督所屬官校依次陳  
 列 凡遇 陞殿本衛堂上官一員懸金牌於 御座前稍西

侍衛其遇大朝會千戶六員具朝服於殿前侍班 凡常朝輪  
 千百戶旗校於奉天門今皇極門下侍衛聽候糾儀擊人朝退輪百  
 百戶巡察皇城四圍其餘分守東華西華等門聽候 宣喚至  
 夜輪百戶校尉同該日指揮於內直房直宿以備傳報其餘出  
 外直房 凡奉 旨提取罪犯本衛從刑科給 駕帖都察院  
 給批差官前去其差官就于該直千百戶內具名上請

僧錄司

會典國初置善世院洪武十五年改僧錄司正六品衙門設左  
 右善世左右闡教左右講經左右覺義職掌釋教之事屬禮部  
 其衙門南京建于天界寺永樂後北京建于大興隆寺今徙于  
 大隆善寺 凡本司官俱選精通經典戒行端潔者為之不支

俸如有文移以僧人掌行僕從以佃戶充役 凡僧有三等曰  
禪曰講曰教在外僧人府屬僧綱司州屬僧正司縣屬僧會司  
管領皆統于本司

### 道錄司

會典國初置玄教院洪武年改道錄司正六品衙門設左右正  
一左右演法左右至靈左右玄義職專道教之事屬禮部其衙  
門建于朝天宮兩京同 凡道士有二等曰全真曰正一在外

### 道士皆統于本司

別集國朝文臣入仕正途惟有進士鄉科歲  
貢選貢而已任子及國朝賢良方正人材

舉薦亦次之其有不由是途而登大位者贈以師榮國公姚廣  
孝布政使吳印華克勤俱以僧禮書蔣守約李希安崔志端工  
書陳道瀛徐可成禮侍丁永中金贊仁師宗記俱以道士禮書  
贈少保許紳禮侍蔣宗武通政使施欽仲蘭李宗周張鑿徐煊  
俱以醫兵書金忠以下太常丞贈少卿袁琪子尚寶卿忠敬以  
左太常卿立玄清以全真道人禮左侍湯序右侍康永詔以天

文生禮書邵元節少保禮書陶仲文禮侍李政省太常卿  
恩趙玉芝凌中以方術太子少保工書萬祺以推命又吏太常  
卿顏壯以巫師工侍蒯義蒯鋼蔡信郭文英俱以木工侍陸  
祥以石工吏書張度戶書徐輝刑書李友直兵書滕德懋徐聯  
工書李質吏侍李信王春戶侍李亨禮侍蔚能刑侍劉敏王詔  
大理卿汪懋楊時習陝西參政平思忠俱以吏又蘇州知府况  
鍾泉州熊尚初西安賈信亦吏也俱有聲名副都御史塗節吏  
書郎本中侍郎汪河以省掾通政使張苗以承差工書嚴震直  
禮書鄭沂以稅戶人才通政使樂暉以輸粟生禮侍李嘉以奉  
祠所禮生禮侍張浚以諸書寫人太常卿杜安道杜尚觀以櫛  
工光祿卿徐興祖井泉以廚役布政使蔡春王興宗以阜隸左  
都楊善戶書劉中敷太僕卿崔文奎以守城書生大理卿朱奎  
太常卿任道遜林章工侍謝宇俱以幼童薦工書趙榮少保兵  
侍俞綱禮書張天駿工書周惠疇禮侍張電工侍談相王槐翰  
學士沈度大理少卿沈榮  
餘都凌晏如皆以習字選

### 王府官

考索漢帝子為王王國置太傅

高祖初置諸侯王  
有六傅輔道王相中尉尉漢諸

有王尉六朝北齊俱有  
中尉元置府尉從五品

各一人後每國置郎中令一人晉諸王

國大國有三卿左右常侍侍郎梁皇弟皇子府置師長史司馬

司馬主兵官宋齊諸王領鎮者各置一從事郎中諮議及掾屬

人梁陳後魏北齊隋並與長史同置

緣事記室等參軍漢三公及大將軍皆有記室魏祖輔漢以陳

及王府皆置及文學漢公府州郡並有魏諸王始有文學員唐

元置正八品主簿功曹等員嗣王府著王府則減隋親王置師友各一人文學二人長

史司馬諮議參軍掾屬各一人主簿二人餘事功曹記室等各

一人唐親王府傳一人諮議參軍友長史司馬掾屬主簿錄事

諸曹各一人文學記室典籤各二人宋王府師傳係以燕官為

之而無定員又有翊善太平興國置以常參官充直講贊讀徽宗政和七年

講讀之官在天子謂之侍講侍讀而在諸王府者亦有侍講官

號比擬稱謂相寮詔諸王府侍讀改為贊讀侍講改為直講

記室及諸王官大小教授英宗治平宗室日盛教授員止六人

詔增置教授官年十四以下置別小

學教授大學京朝官充小學選人充等官元止置傳府尉司馬文學記室參軍國

初置諸王府左右相各一員左右傳各一員正從二品以鄭九成等

為相杜彥良等為傳而別設長史官為正五品尋以謝良等為

武相傳其後單相傳併入長史武相傳事亦入護衛今定長史

從五品審理正正六品紀善典膳典寶奉祠正良醫正俱正八品員職焉

晉語欒伯請公族大夫悼公曰荀家惇惠荀禮文敏鷹也果敢

無忌鎮靖使茲四人者為之夫膏梁之性難正也故使惇惠者

教之使文敏者導之使果敢者諗之使鎮靖者修之

漢書昌邑王師王式繫獄當死使者責曰何以無諫書曰臣以

詩三百五篇朝夕授王至忠臣孝子之篇未嘗不為王反覆誦

五篇諫是以無諫書

王吉為昌邑中尉以數諫王得減死髡戒子孫毋為王國吏其上疏曰廣廈之下細旃之上明師在前勸誦在後上論唐虞之際下及殷周之盛考仁聖之風習治國之道訢訢焉發憤忘食日新厥德其樂豈徒銜楛之間哉

龔遂為昌邑王郎中令膝行涕泣諫曰大王誦詩三百五篇人  
事浹王道備王之所行中詩一首何等也大王位為諸侯王行  
污於庶人以存難以亡易

三輔決錄淮陽王宣帝愛子器異其才欲以嗣王恃寵自驕乃  
用常玄成為中尉以輔導之受詔與蕭望之等論五經同異於

石渠閣

前書梁孝王招延四方豪傑齊人公孫詭多奇計初見日賜金官至中尉號公孫將軍

邵宏字德裕時景帝為琅琊王請弘為中尉弘禮素方嚴儀容甚偉王虚心聽納忻宴言語晝夜無休每上書諫王王讀三四瞿然失色後謂左右曰思邵中尉之言使人于今毛豎

吳志吳儀字子羽南魯二宮初立儀以本職領魯王傅儀嫌二宮相近乃上疏以魯王兼資文武為國藩輔二宮宜有降殺正上下之序明教化之本書三四上為傅盡忠動輒規諫儀不治產業不受施惠為屋舍才足自容鄰家有起大宅者權出望見問大室者誰左右對曰似吳儀家權曰儀儉必非也問果他家

魏志中山恭王衮每讀書文學左右常恐以精力為病數諫止

之然性所樂不能廢也文學方輔相與言曰受詔察王舉措有過當奏及有善亦宜以聞不可匿其美也遂具表稱陳衮美王

聞之大驚責讓文學曰修身自守常人之行耳而諸君乃以上  
聞適增其負累也

北史後魏王晞為常山王司馬在并州雖戎馬填閭未嘗以世  
務為累良辰美景嘯詠遨遊登山臨水以談燕為事士人謂之

方外司馬謝超宗為黃門郎以失儀出為南郡王中軍司馬人  
問曰承有朝命定是何府超宗怨望答曰不知是司

馬為是司驢既是驢府正應為司  
驢有司奏以怨望免禁錮十年

唐書蘇良嗣高宗時為周王府司馬王年少不法良嗣數諫甚

見尊憚劉悼之拜相王府司馬帝曰卿家忠孝  
吾子賴卿師矩莫違在麻不扶而挺也

薛元敬薛收及族兄德音齊名世稱河南三鳳收為長雛德音

鸞鸞元敬年最少為鸞雛武德中為記室敬謹畏未嘗申款曲

於房杜如晦歎曰小記室不可得而親不可得而疏收字伯褒  
天策府記

至上海書諫王啟儼王答  
曰明珠千乘未若一言

房喬為秦王記室征伐未嘗不從居府出入十年辦軍符府檄

駐馬即揮文約理盡初不着藁高祖曰若人機識每為吾見陳

事千里外猶對面語

宋史孫覺字莘老遷昌王府記室王問終身之戒覺為陳諸侯

之孝作富貴箴

唐書盧照鄰調鄧王府典籤王曰此吾之相如

問之大將軍黃讓文學曰... 問通增其負累也

此史後魏正始為常山王司馬在并州... 登山臨水以談... 事士人謂之

讀書盡照濛濛澄王叔典籩王曰... 此哥之財收

之幸亦富貴道

宋史新覺字華女聖昌王叔... 聖王問慈身之... 難覺為刺諸

津十里收前挫一面語

却問明軒文... 聖王曰... 人... 聖王曰... 聖王曰...

亦喬為泰王... 聖王曰... 聖王曰... 聖王曰...

曰... 聖王曰... 聖王曰... 聖王曰...



